



C40-4574



B 64853

大方廣佛華嚴經疏鈔卷二十一

于闐國三藏沙門實叉難陀譯

十迴向品第二十五之三

佛子云何爲菩薩摩訶薩無盡功德藏迴向。

疏第五無盡功德藏迴向長行中亦二先明位行
中亦二今初牒名徵起由緣無盡境行迴向故成
無盡善根功德之行得十無盡藏之果從能迴及
果行受名或無盡功德之藏或卽藏通工釋以迴
向望行迴向爲能藏無盡功德是所藏以因望果

60 1 2 3 4 5 6 7 8 9

10

11

12

13

14

15

16

17

18

19

20

21

亦然。並有財釋。本業云。常以二寶授於前人。故名無盡功德藏。此義亦通所迴善根。卽以五門善根迴向而爲其性。

○疏第二依徵廣釋中三初明所迴善根。二明迴向之行。二結行成德。今初文有八句。初二可知。四聞法修證。屬於勸請。以對佛親請必聞法故。後四皆隨喜。然依離垢慧所問。禮佛法經總有八重。一供養佛。二讚佛德。三禮佛。餘卽五悔。或合禮讚。或畧供養。或但爲五。以發願迴向。但總別之異。如十住婆沙。今文依此。迴向在於下文。故此有四。或但爲

三。故智論云。菩薩晝夜三時。各行三事。謂懺悔。勸請。隨喜。行此三事。功德無量。轉得近佛。若依善戒經。但有二事。謂懺悔。迴向。皆隨時廣畧。鈔初三可知者。卽經列五也。一懺悔。二禮敬。三勸請。四隨喜。五迴向。迴向在後。然昔有別章六門分別。一說多少。二釋名。三出體。四釋相。五明益。六問答。今並具之。但畧出體總分爲三。初明開合。卽彼多少。二釋文。卽釋名辨相。三料揀。含餘別門。今初初爲八行。然依離垢等者。唯一卷經。大旨如常可知。二或合禮讚。卽是七門。禮讚俱是所依懺主故。三或畧

60 1 2 3 4 5 6 7 8 9

10

80

11

90

12

13

14

15

16

17

18

19

供養卽但爲六。供養亦屬佛故。四或但爲五。以廻向發願。但總別之異者。一俱是願。廻向是總。發願是別。別發願故。如十住毘婆沙者。卽第三初明。至第四方懺悔。卽今晨朝前四悔。是第五發願。卽涅槃經闍王發願。後人安之。五今文依此。則同上有五六。或但有三。卽智論第七也。七若依善戒。卽合爲一。以禮讚是懺所依。依人德故。廻向攝願。亦攝隨喜勸請。故結云。隨時廣畧。又隨時者。看臨期時。應用廣畧。然晝夜三時。不宜闕也。

佛子。此菩薩摩訶薩。以懺除一切諸業重障。所起善根。

疏然懺名陳露先罪。悔名改往修來。除惡業障。故須懺也。然懺有二種。若犯遮罪。先當依教作法悔之。若犯性罪。應湏起行。此復二種。一事行。如方等經及禮佛名等。二依理觀。謂觀諸法空。如浮名說。當直除滅。勿擾其心等。若依普賢觀。及下隨好品。皆具事理無礙之懺。至下廣明。鈔然懺名。第二釋文。卽釋名辨相四事。卽爲四段。今初釋懺悔。先釋名。懺悔二字。古有二釋。今疏卽天台釋。亦通漢梵二者。今釋卽半梵半漢。懺者梵云懺磨。此云

60123456789

80123456789

請。恐悔卽此方體是惡作厭先過失求請二寶。恐受悔過。單云悔者非是。六釋合一。卽是依王除惡業者。此辨懺益亦懺意也。然懺有二下。卽辨相也。如方等者。經中令先嚴淨道場。香泥塗地及室內外。作圓壇。彩畫懸五色幡。燒海岸香。燃燈。敷高座。請二十四尊像。多亦無妨。設餚饌盡心力。須新淨衣鞋履。無新洗故。出入脫著。令無參雜。七日長齋。日三時洗浴。初日供養僧。隨意多少。別請一明了。內外律者爲師。受二十四戒。及陀羅尼咒。對師說罪。要月八日十五日。當以七日爲一期。此不可減。

若能更進隨意堪任。十人已還。不得出此。俗人亦得。須辦單縫三衣。備佛法式。旋繞一百二十匝。却坐思惟等。廣如經說佛名。經常所見聞。如淨名。卽優波離。波離白佛憶念昔者。有一比丘犯律行。以爲耻。不敢問佛。來謂我言。我等犯律。誠以爲耻。不敢問佛。願解疑悔。得免斯咎。我卽爲其如法解說。時維摩詰來謂我言。唯優波離。無重增此一比丘罪。當直除滅。勿擾其心。彼罪性不在內。不在外。不在中間。心垢故衆生垢。心淨故衆生淨。心亦不在內。不在外。不在中間。如其心然。罪垢亦然。諸法

60 1 2 3 4 5 6 7 8 9

10

80

1

2

3

4

5

6

7

8

9

亦然不出於如。如優波離以心相得解脫時。寧有垢不我言不也。維摩詰言。一切衆生心相無垢。亦復如是。唯優波離妄想是垢。無妄想是淨。取我是垢。不取我是淨。顛倒是垢。不顛倒是淨。一切法亦如是。如夢如燄。如水中月。如鏡中像。以妄想生。其知此者。是名奉律。其知此者。是名善解等。卽一向理觀。以訶事也。若普賢觀者。初令晝夜六時。對十方佛。普賢菩薩。徧懺六根。卽事懺也。復令觀心。令此空慧與心相應。卽是理懺。如前釋毘盧遮那。已引經竟。今時常用。一切業障海。皆從妄想生等。卽

彼經後總偈。皆事理雙明。隨好品意。至下當知。
禮敬三世一切諸佛所起善根。

疏言禮敬者。除我慢障。起信敬善故。勒那一藏說。七種禮。今加後三。以成圓十。一我慢禮。謂依次位立。無敬心故。二唱和禮。高聲喧雜故。此二非儀。三恭敬禮。五輪著地。捧足殷重故。四無相禮。入深法性。離能所故。五起用禮。雖無能所。而禮不可禮之三寶。一一佛前。皆影現故。六內觀禮。但禮身中法身。佛故。七實相禮。無內無外。同一實故。八大悲禮。前雖有觀。未顯爲生。今一一禮。普代衆生故。九總

60 1 2 3 4 5 6 7 8 9

80

9

撰述

華嚴疏錄卷之二

五

國

攝禮總攝前六爲一觀故。十無盡禮入帝網境。若佛若禮重重無盡故。鈔言禮敬者。此牒第二行經文除我慢下疏釋初明行益。以我慢故不能禮敬。今摧我慢山。即是除惡起信敬善。即是成德。二皆行益故。勒那下。卽辨相也。前七是三藏意。後三疏以義加畧。無釋名。以易知故。然三恭敬禮云。五輪著地者。離垢慧經云。一一發願初總願云。我今五輪於佛作禮爲斷五道。離於五蓋。願諸衆生常得安住不壞五通。具足五願。願我右膝著地之時。令諸衆生得正覺道。願我左膝著地之時。令諸衆

生於外道法不起邪見。悉得安立正覺道中。願我右手著地之時。猶如世尊坐金剛座。右手指地。震動現瑞證大菩提。我今亦爾。共諸衆生同證覺道。願我左手著地之時。令諸衆生離諸外道。難調伏者。以四攝法而攝取之。令人入正道。願我首頂著地之時。令諸衆生離憍慢心。悉得成就無見頂相。餘義可思。

勸請一切諸佛說法所起善根。聞佛說法精勤修習。悟不思議廣大境界。所起善根。

疏言勸請者。名爲祈求。除謗法障。起慈善根。故聲。

60 1 2 3 4 5 6 7 8 9

10

80

1

2

3

4

5

6

7

8

9

聞自度。但懺已罪。菩薩愍衆故。須勸請。但勸如來普雨法雨。則自必霑洽。此文畧云。勸佛說法。智論復加請佛住世。占察經中。亦請菩薩速成正覺。次句因聞法故。起悟入善言修習者。瑜伽八十三云。修者了相作意。習者勝解作意故。又修者於所知事而發趣故。習者無間殷重。修加行故。鈔言。勸請者。此牒第三行也。下疏解釋除謗法下。先明成益聲聞自度下來意。智論復加者。如十住毘婆沙亦請住世云。十方一切佛現在成道者。我請轉法輪。安樂諸衆生。十方一切佛若欲捨壽命。我今願頭

面禮。勸請令久住。占察經者。經具五懺悔。勸請云。唯願十方一切菩薩未成正覺者。願速成正覺。已成正覺者。願常住世。轉正法輪。不入涅槃。釋曰。卽具三也。次句因聞下。卽經自辨。勸請成益。了相作意等。卽七作意義。如三地釋。

於去來今。一切諸佛。一切衆生所有善根。皆生隨喜。所起善根。去來今世。一切諸佛善根。無盡諸菩薩衆精勤修習。所得善根。三世諸佛成正等覺。轉正法輪。調伏衆生。菩薩悉知。發隨喜心。所生善根。三世諸佛從初發心。修菩薩行。成最正覺。乃至示現入般涅槃。

60123456789

123456789

般涅槃已。正法住世。乃至滅盡。於如是等。皆生隨喜。所有善根。

疏言隨喜者。爲慶悅彼故。除嫉妒障。起平等善。然十住智論。皆有三位。一諸佛善。二二乘善。三入天善。今文四句。初一總明。具於三善。二二乘正是所訶。故不別舉。而舍在一切衆生之中。次三句別其第二句。別明三善結一隨喜。後一隨喜諸佛因果。

鈔言隨喜者。此明第四行也。爲慶下先釋行名。然十住下三辨相然智論多同。十住婆沙論云。所有布施福持戒修禪定從身口意生去來。今所有習

學三乘人。具足一乘者。一切凡夫福。皆隨而歡喜。釋曰。其初三句通三世佛也。

疏大品隨喜品明。大千海水。一毛破爲百分。滴取海水。可知其數。隨喜之福。不可知數。法華展轉第五十人。尚難校量。况初隨喜。此據隨喜如來權實功德。其福更多。鈔大品隨喜下重示隨喜成益。卽上平等功德。初引大品。卽第十七法華展轉。卽第六經隨喜功德品第十八。爾時彌勒菩薩白佛言。世尊。若有聞是法華經隨喜者。爲得幾所福。經答文廣。今當畧引。謂有人於會中。聞是法華經隨

撰述

華嚴疏錄卷之十一

八

靈

喜已。從法會出。至於餘處。轉爲人說。是第二人聞已。復轉爲第三人說。如是展轉。至第五十。其第五十善男子。善女人。所得功德。今當說之。若四百萬億阿僧祇世界六趣四生。充滿其中。有人求福。一衆生與滿聞浮提金銀瑠璃瓈瑪瑙珊瑚琥珀。乃至象馬車乘奴婢人民七寶樓閣等。比第五十人聞法華經隨喜功德百分不及一。乃至算數譬喻所不能知。下結云。何況最初於會中聞而隨喜者。釋曰。此顯功德多。此據等者。疏出德多所以大品但通明隨喜之福。今就所隨喜中。分其勝劣。

勝境隨喜。其福更多。言權實功德者。即是法華經故經云。此法華經開方便門。權也示真實相。實也如來智慧甚深無量。實也其智慧門。難解難入。權也於一佛乘。分別說三。從實開權也會二歸一。會權歸實也世尊法久後。要當說真實。實也佛以方便力。示以三乘教。權也故二十八品三周之文。但顯如來權實知見。昔人云。此華不有則已。有則華實雙含。此經不說則已。說則權實雙辨。明知法華不出權實功德耳。旣窮終極唱。難信難解。今能隨喜。故德難量。最初聞人。近獲六根清淨。遠則速成。

60 1 2 3 4 5 6 7 8 9

80

撰述

華嚴疏錄卷之二

九

佛果故云其福更多。

疏然佛是除罪勝緣故與懺悔前後無在既淨身器次希法雨後攝他同已廻向三處不墮三界及與一乘然禮等五果通得菩提別則懺得依正具足禮則尊貴身器具足勸請得慧隨喜得大眷屬弁大財福廻向離邪常遇佛世常能修行約教不同可以思準鈔然佛是下第三料揀於中曲有三門一明次第然禮等五果下二辨果報約教下三約教揀定言可思者如前禮佛十重初二非儀令其知非故辨之耳三通權小四是始教順空義

故五是終教通事理故六七頓教但禮心佛無禮禮故八通終教同教一乘故後三合成圓教八是能禮一具一切故九融深淺事隨理融事事無礙故而言攝前六者二非儀故十重重無盡故下經云一毛孔中悉明見不思議數無量佛一切毛孔皆如是普禮一切世間燈舉身次第恭敬禮如是無邊諸最勝亦以言辭普稱讚窮盡未來一切劫一如來所供養具其數無量等衆生又普賢行云於一微塵中見一切諸佛菩薩衆圍繞法界塵亦然一一如來所一切利塵禮等若依此禮一禮則

無有盡功德。豈可量哉。餘之七門。可以思準。不入斯觀。徒自疲勞。

菩薩如是念不可說。諸佛境界。及自境界。乃至菩提無障礙境。如是廣大無量差別。一切善根。凡所積集。凡所信解。凡所隨喜。凡所圓滿。凡所成就。凡所修行。凡所獲得。凡所知覺。凡所攝持。凡所增長。

疏第一。菩薩如是下。明廻向行中二。先結前善根。後悉以下。正明廻向。前中二。初橫結上來及不可說者。後凡所下。暨結前善。謂隨前一善。皆有積集等故。具足爲圓滿學。成爲成就證入爲獲得了性。

爲覺知餘文並顯。

悉以廻向莊嚴一切諸佛國土。

疏二。正明廻向於中二。先廻向菩提。後廻向衆生。前中二。先明隨相。後明離相。前中亦二。先正起行願。後結行成益。前中又二。先廻向淨土。後總攝廻向。前中亦二。先明衆寶莊嚴。後明人寶爲嚴。況論嚴淨。有其三種。一處所淨。二住處衆生淨。卽前二段。三法門流布淨。亦名受用淨。徧上二段。又此二段之中。具足十八圓滿。今初有一。初總標所成鈔。又此二段等者。此十八法。華嚴品中已具列。

釋。今經文具疏但隨文配屬難則釋之。今鈔重依彼經論牒經配屬論云經曰薄伽梵住最勝光曜七寶莊嚴放大光明普照一切無邊世界。此上顯色圓滿無量方所妙飾間列形色圓滿周圓無際其量難測分量圓滿超過三界所行之處。方所圓滿勝出世間善根所起因圓滿也最極自在淨識爲相果圓滿也如來所都王圓滿也諸大菩薩衆所共雲集輔翼圓滿無量天龍人非人等常所冀從眷屬圓滿廣大法味喜樂所持住持圓滿作諸衆生一切義利事業圓滿滅諸煩惱災橫纏垢攝

梵圓滿遠離衆魔無畏圓滿過諸莊嚴如來莊嚴之所依處在處圓滿大念慧行以爲遊路卽路同滿大止妙觀以爲一乘乘圓滿也大空無相無願解脫爲所入門門圓滿也無量功德衆所莊嚴大寶華王衆所建立依持圓滿大宮殿中論曰此顯如來住處圓滿謂佛淨土由十八圓滿淨事故說名圓滿次列十八圓滿竟下結云如是十八圓滿所莊嚴宮殿名佛淨土佛住如是大宮殿中說此契經釋曰下隨疏釋依今經次釋義卽彼論廣文如過去世無邊際劫一切世界一切如來所行之處。

60 1 2 3 4 5 6 7 8 9

80

9

所謂無量無數佛世界種。佛智所知。菩薩所識。大心所受。莊嚴佛刹。

疏一。如過去下。別顯嚴相於中亦。先舉三世土嚴。二願成彼嚴。今初亦。二先別明。一總結前中三世。卽爲三別。謂過未現在。而爲其次。今初分二。先總明。後別顯。今初先舉時辨處。次所謂下總標世界種者。卽方處間列。如初會說。無量者。無分量故。無數者。數多故。佛智所知者。淨識所現。唯佛窮故。菩薩所識者。登地分見故。大心所受者。地前能受故。莊嚴佛利者。卽正顯示此。雖義當形色。意是總該。

鈔今初下於總中。數多者。佛所莊嚴廣大利。等於一切微塵數故。其中已有圓滿之相。如方處間列。卽方處圓滿。無分量。卽分量圓滿。淨識所現者。謂賴耶淨識。現自受用土。第七淨識。現他受用土。餘五淨識。現變化土。唯佛窮者。八識轉智。唯佛窮故。登地分見。見他受用故。雖含有別意。皆是總。

清淨業行所流所引。應衆生起。如來神力之所示現。諸佛出世淨業所成。普賢菩薩妙行所興。

疏一。清淨下。別明有一圓滿。初辨因圓滿。謂出過

60 1 2 3 4 5 6 7 8 9

80

9

三界淨土亦有出過之因。然上世界成就品中起具因緣總有十種。生佛兼說有淨穢故。今此唯五欲同佛淨故畧衆生。鈔初辨因滿下總明。

疏初句亦總亦別。總明三土之因皆無漏業。故云清淨自受用土淨行所流萬行生故。他受用土及變化土淨業所引隨業現故。別則唯約受用因緣所流增上緣所引。故佛地論云如來藏識中無漏善根爲因而生有義。但是增上緣生以外法故有義亦是因緣而生。親能生故若不爾者應無因緣外法相望非因緣故意以後義爲正言亦是者通。

二緣故有一感報淨土以四塵種子而爲正因。親感土故六度萬行而爲緣因助成土故或以自利後得而爲緣因。依此經宗以一切波羅蜜行隨其所應依正二果互爲二因互相資辦以皆是法性相應善根成故常融常別餘如世界成就品下四唯別初二變化土因初句約爲緣義後句約爲因義次句是自受用因故云出世淨業後句義兼自他受用土因登地已上皆修普賢之妙行故又此妙行卽圓融因融上諸土無障礙故鈔初句亦總下別別有五句初句亦總亦別卽清淨業行所

60 1 2 3 4 5 6 7 8 9

80

撰述

華嚴疏錄卷之二十一

廿

露

流所引亦總下中自利行業親招爲所流利他行業與物爲緣故云所引故釋云隨業現故此業即是所化者業以菩薩衆生之業爲因親感他受用變化之土如來利他爲增上緣隨他衆生之業成故故云引也泉能成池名爲所流鑿池引水水名所引正同前世界品引生公義行致淨土非造之也造於土者衆生類矣別則唯約下釋上亦別之言於中三初總明也因緣親生曰流增上緣疎爲引故佛地論下二成立二因之義此有二義一唯立因緣此已含二法一如來識二無漏善合二爲

因亦同多聞熏習與阿賴耶中解性合之爲因也然引論猶畧若具應云謂大宮殿用出世間無分別智後得智善根爲因而得生起非是無因非大自在等而爲其因乃至云此用本來無分別智後得無漏善法種子三無數劫修今增廣爲此淨土變現生因此佛淨土如來識中無漏善根爲因而生則具修生本有二法合爲因緣二云有義下出所以云以外法故謂以識生識可是因緣外生淨土那是因緣外土卽爲增上果故是增上緣三云有義下雙立非謂但取因緣亦取增上亦取因緣

60 1 2 3 4 5 6 7 8 9

80

9

故云親能生故。出因緣義。若不下反難成立。一切外法皆因內法熏習爲因。明有因緣。故云不爾。應無因緣。無則非理。外法相望者。正成上義。第二師義難第一師。汝以外法故。唯增上緣。外法則不得立於因緣。今謂外假內熏。明有因緣。若爾。內熏其外。既非自類。何名因緣。境全心變。卽八識相分。亦不離心。亦因緣矣。意以後義爲正。四疏家斷取也。兼顯是通二義。有云感報下出二因體四塵種子。全在識中。卽八識中相分種也。或以自利後得者。上言六度萬行。則通二利。此依唯識別義以利他。

後得爲他受用變化土緣。故用自利後得爲自受用土緣也。依此經宗下。正於前文。唯取自利爲自受用緣故。二利之行。同取他受用土以皆下。出互通所以。故指如世界品。問明品中亦已明。餘可思準。

一切諸佛於中成道。示現種種自在神力。
疏二一切下。事業圓滿。自能現作一切有情。一切
義利故。如來雖卽是主意取義利。鈔自能現作
者。卽佛地論。但畧其要。具足論云。如其淨土住持
圓滿作何事業。問也作諸衆生一切義利。引經文

60 1 2 3 4 5 6 7 8 9

80

9

謂如此中自能現作一切有情一切義利或一切有情自作義利等然十八圓滿皆初假問生起次引經答三以論釋文皆約宮殿上明今之所明乃通說耳以問易知故並不岀

盡未來際所有如來應正等覺徧法界住當成佛道當得一切清淨莊嚴功德佛土

疏第二盡未來下舉未來土嚴文中二初總標

盡法界虛空界無邊無際無斷無盡

疏一盡法界下別顯有九圓滿文分爲五一分量圓滿此通二土謂約自受用從初得佛盡未來際

相續無變橫周法界故無邊際約他受用爲於地上隨宜而現勝劣大小改變不定但地前不測言無邊際登地常見亦無斷盡此文兼明方所圓滿以方所有二一自受用周徧法界於三界處不卽不離故二他受用處下文當辨鈔從初得下卽唯識文然論云相續變爲純淨佛土今無變字乃是義釋謂雖復相續變化不同他受用土前後改轉故不云變橫周法界者卽唯識論前所引論後云周圓無際佛地經中同佛地論又云無際者謂無長短等分齊相難測故下說他受用並如世界

60 1 2 3 4 5 6 7 8 9

80

9

撰述

華嚴疏錄卷之十一

十一

四

品。

皆從如來智慧所生。

疏一皆從如來智慧生者。卽果圓滿。自受用土。圓鏡智生。他受用土平等智生。鈔卽果下引鏡智等。卽世界品。佛地論云。以佛自在淨識爲相。無量妙寶之所莊嚴。所謂一切香莊嚴。一切華莊嚴。一切衣莊嚴。一切功德藏莊嚴。一切諸佛力莊嚴。一切佛國土莊嚴。

疏二無量下。依持圓滿。故佛地經云。無量功德衆所莊嚴。大寶華王是爲依持。鈔佛地經下。三會

佛地經然彼論先問起云。如是淨土門旣圓滿。如餘宮殿應有所依。故次須說依持圓滿。問起無量功德衆所莊嚴。大寶華王衆所建立。舉經答也。今疏引經云。爲所依持者。以先問後不引釋。故但結歸名。

疏今文中先總標妙寶。所謂下別列初二事嚴中。有蓮華。次二德嚴。初卽無量功德。佛力卽是能持。後一卽是所持之國。佛地唯據於事。但云蓮華。今通事理。故云佛力功德莊嚴。亦通事理。鈔後會。彼論於中。一先出論意。以論廣釋。但約華故。論云。

60 1 2 3 4 5 6 7 8 9

1 2 3 4 5 6 7 8 9

謂如地等依風輪等。或如世間宮殿依地。如是淨土無量功德。衆善所嚴。大寶紅蓮華王。衆所建立。卽紅蓮華大寶所成。如是大寶無量功德。衆善所起。於衆寶中勝。故名大此寶紅蓮華。於諸華中最爲殊勝。故名華王。或此寶華。望諸菩薩善根所起。紅蓮華最勝。故名爲大佛法王。是佛最勝善根所起。故名爲王。又此寶華極難得。故名爲大寶華。中最勝。故名華王。又此大華非一。或華忘多。故名爲衆釋曰。此則唯據事也。以將功德莊嚴屬佛。故若將無量功德通理。則佛地亦有佛力任持。故疏云。

功德亦通事理。

如來所都。

疏四明王圓滿。鈔如來所都者。全同佛地經論。釋曰。謂大宮殿。諸佛世尊爲王。非餘以殊勝故。唯屬世尊。或唯屬世尊。住持攝受。非餘所能故。不可思議同行宿緣。諸清淨衆。於中止住。未來世中當成正覺。一切諸佛之所成就。非世所覩。菩薩淨眼。乃能照見。此諸菩薩具大威德。宿植善根。知一切法。如幻如化。普行菩薩諸清淨業。入不思議自在三昧。善巧方便。能作佛事。放佛光明。普照世間。無有限極。

60 1 2 3 4 5 6 7 8 9

80

疏五不可思下。輔翼圓滿復兼四種文中分二。初總顯則兼眷屬圓滿眷屬謂人天八部然皆菩薩化作示淨土不空故今但云諸清淨衆則兼之矣。鈔輔翼圓滿佛地論云如是淨土王既圓滿應有輔翼王必攝受輔翼者故彼經云諸大菩薩衆所雲集論云謂大宮殿有無數大菩薩僧所共雲集諸來朝者名爲輔翼既有如是大菩薩僧常來輔翼故無怨敵能爲違害諸聲聞等無如是事眷屬圓滿佛地經云無量天龍人非人等常所翼從今文無此故以諸衆攝之然皆菩薩化作示淨土

不空卽彼論釋妨妨云云何淨土超過三界所行之處而有天等以爲眷屬天等皆是三界攝故答云淨識如是攝受變現爲嚴淨土故不相違第一釋也或爲成熟所化有情示現如是變化種類第二釋也卽阿彌陀經云是諸衆鳥皆是阿彌陀佛欲令法音宣流變化所作論云或諸菩薩化作無量天龍等身住淨土中供養佛故第三釋也或自化身爲天龍等翼從如來是故無過第四釋也四義皆示不空耳。

疏後未來下別顯勝德兼三圓滿初明方所圓

60 1 2 3 4 5 6 7 8 9

80

撰述

華嚴疏鑑卷之二

三

露

滿佛地經云。超過三界所行之處。今云一切諸佛之所成就。通於自他受用。非世所覩。即是超過菩薩能見。是他受用。受用方所。或說淨居。或說西方。等是。鈔初明方所圓滿。此卽標名。論云。如是淨土分量圓滿。爲同三界。爲不爾耶。論假問也。超過三界所行之處。引經答也。論釋云。謂大宮殿處。所方域。超過三界所行之處。非如三界自地法處。執爲已有所緣相應。一縛隨增。是彼異熟及增上果。如是淨土非三界處所執受故。離一縛故。非彼異熟增上果故。如涅槃等。超過三界異熟果地乃至

云。如是淨土爲與三界同一處所爲各別耶。問也有義別有處說在淨居天。亦有處說在西方等。有義同處。淨土周圓無際。徧法界故。如實義者。實受用土周徧法界。無處不有。不可說言離三界處。亦不可說卽三界處。若隨菩薩所宜現者。或在色界淨居天上。或西方等處所不定。釋曰。今疏直用其要。兼取如實義耳。

疏二。此諸菩薩具大威下。皆門圓滿。以三昧爲所入門。此中初句顯門之因。知一切下。是空門相。行菩薩業。是無相門相。善巧方便下。是無作門相。

60 1 2 3 4 5 6 7 8 9

80

入不思議三昧。通該前後。鈔以三三昧者。卽義引也。彼經云。大空無相無願解脫爲所入門。故疏以下經配三門相。三昧通該前後者。該前明空等爲不思議三昧故。該後以三昧等爲攝益故。

疏三。又此淨業卽攝益圓滿。以離煩惱纏垢等爲攝益故。名爲清淨。鈔三。又此淨業下辨攝益相。彼經云。滅諸煩惱災橫纏垢。故論云。謂於此中遠離一切煩惱纏垢。及諸災橫。卽諸煩惱名爲纏垢。如是卽名諸災橫因。煩惱纏垢。此中無故所作災橫。此中亦無釋曰。離此煩惱等。卽名攝益。又現證

得解脫煩惱災橫纏垢。殊勝福智。故名攝益。故疏指上淨業。名爲攝益。

現在一切諸佛世尊。悉亦如是。莊嚴世界。無量形相。無量光色。悉是功德之所成就。無量香。無量寶。無量樹。無數莊嚴。無數宮殿。無數音聲。隨順宿緣諸善知識。示現一切功德莊嚴。無有窮盡。所謂一切香莊嚴。一切鬘莊嚴。一切末香莊嚴。一切寶莊嚴。一切旛莊嚴。一切寶繒綵莊嚴。一切寶欄楯莊嚴。阿僧祇金網莊嚴。阿僧祇河莊嚴。阿僧祇雲雨莊嚴。阿僧祇音樂奏微妙音。

60 1 2 3 4 5 6 7 8 9

80

疏第三現在下。舉現在嚴中亦。初總標類同過未。云亦如是。無量下別顯有二圓滿。一者形相。卽形色圓滿。鈔無量形相者。彼論雙問云。如是淨土顯色圓滿。形相云何。引經答形色云。無量方所。妙色間列。論釋云。謂大宮殿。妙色間列。無量方所。或大宮殿無量妙飾。方所間列。言無量者。或殿無量。或處無量。妙慧爲光。安布爲飾。是故說名妙飾間列。釋曰。無量相貌間列。卽形色。

疏一無量光色。卽顯色圓滿。悉是以下總以因結。鈔無量光色者。彼經云。最勝光曜。七寶莊嚴。放

大光明。普照一切無邊世間。論釋云。謂大宮殿。用最勝光曜。七寶莊嚴。或寶嚴故。最勝光曜。於此所重。且言七寶其實淨土。無量妙寶。綺飾莊嚴。非世所識。故經云。無量光色。又論釋放大光明等云。謂大宮殿放大光明。普照一切無邊世界。或大宮殿。經有其一句。今經云。無量光色。則已攝。無量光者。是彼放無邊光句。無量色者。卽初最勝光曜等。疏三無量香下。住處圓滿。於中有三。初總明住處次隨順下。別顯處因。卽他受用因。故云示現。後所

60 1 2 3 4 5 6 7 8 9

80 1 2 3 4 5 6 7 8 9

謂下廣顯處嚴。以超過一切菩薩及餘住處。名處圓滿鈔住處圓滿。彼經云過諸莊嚴。如來莊嚴之所依處。論釋云謂於此中佛所住處勝過一切菩薩及餘莊嚴住處。唯是如來妙飾莊嚴爲所住處。由勝彼一切莊嚴住處。是故說名住處圓滿。以超過一切菩薩下。卽彼論文經顯處嚴在文極顯。如是等無量無數莊嚴之具。莊嚴一切盡法界虛空界。十方無量種種業起佛所了知。佛所宣說。一切世界其中所有。一切佛土所謂莊嚴佛土清淨佛土平等佛土。妙好佛土威德佛土廣大佛土安樂佛土。不

可壞佛土無盡佛土無動佛土無畏佛土光明佛土無違逆佛土可愛樂佛土普照明佛土。嚴好佛土精麗佛土妙巧佛土第一佛土勝佛土殊勝佛土最勝佛土極勝佛土上佛土無上佛土無等佛土無比佛土無譬喻佛土。

疏第二如是等下總結三世嚴具及土。於中一二初總結能所嚴後所謂下別顯所嚴有二十九種。隨體德用立名不同亦可并前總標通結上來十八圓滿隨勝立土。如理應思。鈔亦可并前等者。上來過去有二未來有九現在有三但有十四下人

60 1 2 3 4 5 6 7 8 9

80

寶中有五事業分佛菩薩。遂卽重出除重。十八云。何攝耶。今總標文爲王圓滿以言佛土故。別中二十九句有十七圓滿一莊嚴。二清淨爲因圓滿。佛地經云。超出世界善根所生。今以清淨故爲出世。以其莊嚴爲所起嚴萬善嚴故。三四事業平等妙好故。五卽是路。大念慧行爲威德故。六七住處廣大安樂八卽輔翼叵壞九眷屬無盡十分量無量。十一依持不動十二無畏名同十三顯色光明十四無違十五可愛皆攝益圓滿無煩惱災橫之違故可愛也。十六照明十七嚴好皆果最極清淨爲

其相故。十八精麗十九妙巧二十第一皆依持無量功德衆所莊嚴大寶華王衆所建立故。二十一二三四皆門圓滿二解脫門爲最勝等故。二五六皆乘大止妙觀爲無上等故。二十七無等二十八無比二十九無譬喻皆方所以徧法界性不並真無比對故。經旨多含畧爲此配未必要爾。故疏畧示令如理思。

如是過去未來現在一切佛土所有莊嚴菩薩摩訶薩以已善根發心廻向願以如是去來現在一切諸佛所有國土清淨莊嚴悉以莊嚴於一世界如彼一

60 1 2 3 4 5 6 7 8 9

80

9

撰述

華嚴疏卷之一

三

切諸佛國土所有莊嚴。皆悉成就。皆悉清淨。皆悉聚集。皆悉顯現。皆悉嚴好。皆悉住持。

疏第二如是過去下願成彼嚴於中二先嚴一界。如一世界。如是盡法界虛空界。一切世界。悉亦如是。三世一切諸佛國土。種種莊嚴。皆悉具足。

疏後如一世界下例嚴普周顯嚴分齊。令法界土。皆具三世一切莊嚴。既一佛土卽具無盡莊嚴。則一嚴一切嚴。亦顯一圓滿卽一切圓滿。重重無盡。方是華嚴淨土圓滿。

佛子菩薩摩訶薩復以善根如是迴向願我所修一

切佛利諸大菩薩。皆悉充滿。

疏第二佛子菩薩至復以善根下人寶爲嚴。同十
大願中第七願也。亦卽是前輔翼圓滿文中三初
總願所成。二其諸下別顯嚴相。三願令如是下結
以嚴利。其諸菩薩體性真實智慧通達。中大願中是第
顯德後結德嚴土前中有二十句。初二總明體
實智圓。

善能分別一切世界及衆生界。深入法界及虛空界。

60 1 2 3 4 5 6 7 8 9

10 1 2 3 4 5 6 7 8 9

捨離愚癡。成就念佛。念法真實。不可思議。念僧無量。普皆周備。亦念於捨法。日圓滿。智光普照。見無所礙。從無得生。生諸佛法。爲衆勝上。善根之主。發生無上菩提之心。住如來力趣。薩婆若破諸魔業。淨衆生界。疏後善能下十八句。別顯於中。先明智慧。後深入下明體實。今初卽路圓滿。大念慧行。爲所游路。路卽道之異名。鈔大念慧行。爲所游路。卽佛地經文。言路卽道之異名者。是彼論釋。彼論具云。謂此中大念大智慧。及以大行爲所遊履。故名遊路。是道異名。聞所成慧。名爲大念。聞已記持。無離義故。

思所成慧。名爲大慧。依理審思。得決定故。修所成慧。名爲大行。由修習力緣真理故。大者。念等緣大乘法而生起故。彼所攝故。履三妙慧。淨土往還。故名遊路。此說菩薩因三妙慧。得入淨土。改名遊路。疏文中初明大慧。分別是權深入。是實。此是慧體。離癡慧業。成就念下。卽大念也。七念之中。畧舉前四。七念如離世間品。後法日下。卽是大行。行卽修慧故。鈔七念等者。等常六念。加念衆生。深入法性。永離顛倒。善根大願。皆悉不空。疏後釋體實。亦是行攝。

撰述

聖嚴疏金卷之三

三

釋

如是菩薩充滿其土。生如是處。有如是德。

疏一結德嚴土中初句總次生如是處。指前淨土。有如是德。卽指向文。

常作佛事。得佛菩提。清淨光明。具法界智。現神通力。一身充滿一切法界。

疏第二常作佛事下願業廣中分四。卽四圓滿。初明事業圓滿上辨佛業今菩薩業。鈔上辨佛業者。佛地經但云作諸衆生一切義利論先問云。如是淨土任持圓滿作何事業。卽引向經論云。謂於此中卽能現作一切有情一切義利或令一切有

情自作一切義利等。今經云一切諸佛於中成道。故是佛業。今明菩薩常作佛事。故是菩薩業。得大智慧入一切智所行之境。善能分別無量無邊法界句義於一切利皆無所著。而能普現一切佛土。心如虛空無有所依而能分別一切法界。善能入出不可思議甚深三昧。乘止與觀隨其所應行前道路。

疏二得大智下卽乘圓滿大止妙觀以爲乘故。鈔大止妙觀者。卽佛地經文論釋云。止謂奢摩他觀謂般若。大義按前大念中緣大乘故。此一等運故名所乘。乘止與觀隨其所應行前道路。

60 1 2 3 4 5 6 7 8 9

80

趣薩婆若。住諸佛刹。得諸佛力。開示演說阿僧祇法。而無所畏。

疏三趣薩婆下。無畏圓滿。內無災患。外無畏故。鈔無畏圓滿。彼經云。遠離衆魔。論云。謂以此中遠離一切煩惱蘊疣。及以天魔。或令他人遠離四魔。如是四種。是怖畏因。由是能生諸怖畏故。此中無彼。故名無畏。

隨順三世諸佛善根。普照一切如來法界。悉能受持一切佛法。知阿僧祇諸語言法。善能演出不可思議差別音聲。入於無上佛自在地。普遊十方一切世界。

而無障礙。行於無諍。無所依法。無所分別修習。增廣菩提之心。得善巧智。善知句義。能隨次第。開示演說。疏四隨順三世下。卽任持圓滿。論云。諸佛菩薩。後得無漏。能說能受。大乘法味。生喜樂故。文中二。前明能受。後知阿僧祇下能說。鈔卽任持圓滿者。彼經文云。廣大法味。喜樂所持。疏卽論釋也。此文猶畧。具云。謂於此中大乘法味。喜樂所持。食能令住。住是持義。乃至云。此淨土中。諸佛後得無漏之智。能說能持。受大法味。生大喜樂。又正體智。受真如味。生大喜樂。能任持身命。不斷壞故。長養善法。

60 1 2 3 4 5 6 7 8 9

80 1 2 3 4 5 6 7 8 9

名爲食也在文可知。

願令如是諸大菩薩莊嚴其國。充滿分布隨順安住。
疏第三結以嚴利中初總彰人徧。
熏修極熏修純淨極純淨恬然宴寂。
疏次熏修下結行德深謂以止以觀唯智唯悲熏
修身心無有間斷名極熏修現惑不生故云純淨。
種習不起名極純淨恬和也宴安也恬和安寂卽
照寂之相也亦一乘也鈔亦一乘者以大止妙
觀爲熏修故。

於一佛刹隨一方所皆有如是無數無量無邊無等。

不可數不可稱不可思不可量不可說不可說不可
說諸大菩薩周徧充滿如一方所一切方所亦復如
是如一佛刹盡虛空徧法界一切佛刹悉亦如是。

疏後於一佛刹下別示徧相兼顯數多於中三節。
一利中一方有多數量次以方例刹後以刹例法
界一方所言義兼大小準下僧祇品於一微細毛
端處則有不可說諸普賢也言如是者如前具德
也。

佛子菩薩摩訶薩以諸善根方便廻向一切佛刹方
便廻向一切菩薩方便廻向一切如來方便廻向一

60 1 2 3 4 5 6 7 8 9

10

80

1 2 3 4 5 6 7 8 9

切佛菩提方便廻向。一切廣大願。方便廻向。一切出要道。方便廻向淨。一切衆生界。方便廻向於一切世界。常見諸佛出興於世。方便廻向。常見如來壽命無量。方便廻向。常見諸佛徧周法界。轉無障礙不退法輪。

疏第二佛子至方便廻向下。總攝廻向。非唯但向佛淨土故。文有十句。初三結前已說。後七辨所未最明。言出要者。小乘出要。惟有四種。謂進念定慧。三十七品。不離此故。今亦兼有大乘出要。惟有三科。謂四攝四等。及與十度。三乘切要。唯止與觀。一乘世間。

切要。唯智與悲。故十地皆云大悲爲首。智慧增上。餘並可知。

佛子。菩薩摩訶薩。以諸善根。如是廻向時。普入一切佛國土故。一切佛刹皆悉清淨。普至一切衆生界故。一切菩薩皆悉清淨。普願一切諸佛國土佛出興故。一切法界一切佛土諸如來身超然出現。

疏第一佛子至如是廻向下。結行成益。總收三種

佛子。菩薩摩訶薩。以如是等無比廻向。趣薩婆若。其心廣大。猶如虛空。無有限量。入不思議。知一切業。及

60 1 2 3 4 5 6 7 8 9

10

80

1 2 3 4 5 6 7 8 9

以果報皆悉寂滅。心常平等。無有邊際。普能徧入一切法界。

疏第一「佛子至以如是等下。離相廻向。卽向實際。文中一「先明見實智冥實際。後彰離妄德合實際。此之二段。反覆相成。今初初句牒前廻向菩提。其心已下。正顯離相。寂然無涯。爲入不思議。卽事契真。故常平等。由此故能徧入。若事若理。無礙法界。名爲一切。鈔此之二段。反覆相成者。由見實故離妄。如見杌。則不見鬼。由離妄故見實。若無鬼見。是見木故。」

佛子。菩薩摩訶薩。如是廻向時。不分別我。及以我所。不分別佛。及以佛法。不分別刹。及以嚴淨。不分別衆生。及以調伏。不分別業。及業果報。不著於思。及思所起。不壞因。不壞果。不取事。不取法。不謂生死有分別。不謂涅槃恒寂靜。不謂如來證佛境界。無有少法與法同止。

疏二「佛子下彰其離妄文。有十對。初六遮妄執有。以緣成無性故。皆前廻向之法思所起者。謂身語業。餘文可知。鈔思所起者。謂身語業者。俱舍云。分別由業生。思及思所作。思卽是意業。所作謂身

60 1 2 3 4 5 6 7 8 9

80 1 2 3 4 5 6 7 8 9

語故九地廣明。

疏次一對遮妄執空。以卽真故。不礙存故。不壞假名。說實相故。不壞因果。鈔以卽真故下。此有三義。釋不壞因果。初同淨名。色卽是空。非色滅空故。此約空觀。二不礙存故。卽假觀。三不壞假名。說實相故。一義雙照。爲中道觀。

疏後三對雙遮空有。初遮事理法。卽理法。互相卽故。不可定取。

疏次遮生死涅槃。離向背相通有二義。一約離相。謂生死涅槃。相待而有。俱空叵得。二約體融。以緣

就實。生死卽涅槃。故無妄分別。以實從緣。涅槃卽生死。故非真寂靜。故中論云。涅槃之實際。及與世間際。如是二際者。無毫釐差別。而晉經云。生死非雜亂。涅槃非寂靜。言異義同。鈔俱空叵得。卽上云。有諍說生死無諍說涅槃。生死及涅槃。俱不可得。此約性空。下約顯實。

疏後對卽遮能所證。旣二際無差。唯佛能證。故復拂之上句標下句釋。亦通二意。一約離相。能證相離。不能證於佛境。所證體空。故無少法與能證智同止相契。故楞伽云。遠離覺所覺。二約體融。佛卽

撰述

華嚴疏卷之二

三

露

法界不應以法界更證法界。故文殊問經云。若以法界證法界。則是詮競。如智一體。如外無少智。爲能證智。外無少如。爲所證。故無可同止。次下文云。無有少法爲智所入。亦無少智而入於法。影公云。法性不並真。聖賢無異道。卽斯意也。鈔故楞伽云。遠離覺所覺。前已引竟。故文殊問云下。亦前已引影公卽中論疏。

疏上來三節。皆約遮邊。而來契實。已辨雙照。則四門備矣。

佛子。菩薩摩訶薩。如是廻向時。以諸善根。普施衆生。

決定成熟。平等教化。無相無緣。無稱量。無虛妄。遠離一切分別。取着。

疏第二。佛子下。廻向衆生中。初總明。謂卽前廻向。菩提時。便以善根廻向衆生。故云如是廻向時也。次決定下。別顯行相。有七句。一句隨相。一無放捨心。一無冤親相。五句離相。一不見衆生相。二不取化緣。三不稱量根性。四無能度我人。末句總結。

菩薩摩訶薩。如是廻向已。得無盡善根。所謂念三世。一切諸佛。故得無盡善根。念一切菩薩。故得無盡善根。淨諸佛刹。故得無盡善根。淨一切衆生界。故得無

60 1 2 3 4 5 6 7 8 9

10

80

1 2 3 4 5 6 7 8 9

盡善根深入法界故得無盡善根修無量心等虛空界故得無盡善根深解一切佛境界故得無盡善根於菩薩業勤修習故得無盡善根了達三世故得無盡善根。

疏第二菩薩至如是廻向已下結行成德有四佛子兼此爲五一成無盡善根德二成二空智慧德三成境界清淨德四成福智無盡德五成福智廣大德就此五中初一雙明次二離相後一隨相今初由隨一一行發無盡心故成無盡德文有十句初總所謂下別於中前四隨相所成初一因果。

後二依正次二離相所成顯其深廣次二解行通於隨相及與離相後一通顯上來廻向同三世故佛子菩薩摩訶薩以一切善根如是廻向時了一切衆生界無有衆生解一切法無有壽命知一切法無有作者悟一切法無補伽羅了一切法無有忿諍觀一切法皆從緣起無有住處知一切物皆無所依了切利悉無所住觀一切菩薩行亦無處所見一切境界悉無所有。

疏第二佛子下成二空智慧益中十句初四我空一無衆生離衆生垢故二無壽命離生死故三無

60 1 2 3 4 5 6 7 8 9

80

9

作者亦名無我離我垢故四無數取趣前後際斷故餘如十行說後六法空文亦可知。鈔一無衆生垢故者多同淨名卽目連章中淨名云夫說法者當如法說法無衆生離衆生垢故法無有我離我垢故法無壽命離生死故法無有人前後際斷故釋曰上四句我空故疏取之此四卽金剛無我無人無衆生無壽者今經辨次不同二經皆明無定前後也名亦小異以作者當我以補特伽羅當人若釋義者人我等相十行已具空之所以亦如前辨今取彼經意按今文釋一法無衆生者已無

衆生爲法故遠公云正明理無其所無有二一無橫計神我二於假名衆生無有定性三無假名衆生之相此等皆是虛妄分別相有理無餘門類爾離衆生垢者破情顯理取我之心名衆生垢生公亦云若得見理垢情必盡以離垢驗之知無衆生也一法無壽命正明理無離生死故釋成上義壽命謂色心連持從生至死本無生死何有壽命又壽命爲生死之果若有實者不合得離今有本離之人明本無矣三無有我者理本無也離我垢故釋成上義一同初句四數取趣淨名爲人智論云

60 1 2 3 4 5 6 7 8 9

10

80

1 2 3 4 5 6 7 8 9

撰述

華嚴疏金卷之二

能造善惡行人法故。取於諸趣三際輪迴本無數
取者何有前後際耶。又若定有者不應聖人斷前
後際今聖有斷明無有人能數取也。

佛子菩薩摩訶薩。如是廻向時眼終不見不淨佛刹
亦復不見異相衆生無有少法爲智所入亦無少智
而入於法解。如來身非如虛空。一切功德無量妙法
所圓滿故。於一切處令諸衆生積集善根悉充足故。
疏第三佛子成境界清淨德。一利淨者。略有三義。
一了穢卽空故。一如螺髻等穢處見淨故。三雖覩
淨穢無見相故。二衆生淨同一空故。同如來藏故。

無見相故。三法淨對法辨智義便故來此亦一義。
一空無能所故。二同一如故。舉一全收智外無如
爲智所入。如外無智而入於如法性寂然故名爲
如寂而常照故名爲智。何有異耶。亦同上來無法
同住後一佛淨爲破執有說佛如空若同空無此
見非淨。今明二利德圓非如虛空一向無也。鈔
螺髻亦是淨名前已引竟餘卽可知。

佛子此菩薩摩訶薩於念念中得不可說不可說十
力地。具足一切福德成就清淨善根爲一切衆生福
田。此菩薩摩訶薩成就如意摩尼功德藏隨有所須。

60 1 2 3 4 5 6 7 8 9

10

80

1 2 3 4 5 6 7 8 9

一切樂具悉皆得故隨所遊方悉能嚴淨一切國土隨所行處令不可說不可說衆生皆悉清淨攝取福德修治諸行故。

疏第四佛子福智無盡德初上攝佛智謂十力智地有不可說用故念念得多福具足下自爲福田此菩薩下福智無盡。

佛子菩薩摩訶薩如是廻向時修一切菩薩行福德殊勝色相無比威力光明超諸世間魔及魔民莫能瞻對善根具足大願成就其心彌廣等一切智於一念中悉能周徧無量佛刹智力無量了達一切諸佛

境界於一切佛得深信解住無邊智菩提心力廣大如法界究竟如虛空。

疏第五佛子福智超勝德中初句總顯福智之因次福德下正顯勝相初明福勝其心已下顯智超勝。

佛子是名菩薩摩訶薩第五無盡功德藏廻向。

菩薩摩訶薩住此廻向得十種無盡藏。

疏第二菩薩下辨位果中四謂標徵釋結。

何等爲十所謂得見佛無盡藏於一毛孔見阿僧祇諸佛出興世故得入法無盡藏以佛智力觀一切法。

撰述

華嚴疏錄卷之二

悉入一法故。得憶持無盡藏。受持一切佛所說法。無忘失故。得決定慧無盡藏。善知一切佛所說法。秘密方便故。得解義趣無盡藏。善知諸法理趣。分齊故。得無邊悟解無盡藏。以如虛空智。通達三世。一切法故。得福德無盡藏。充滿一切諸衆生意不可盡故。得勇猛智覺無盡藏。悉能除滅一切衆生愚癡翳故。得決定辨才無盡藏。演說一切佛平等法。令諸衆生悉解了故。得十力無畏無盡藏。具足一切菩薩所行。以離垢繒而繫其頂。至無障礙。一切智故。

疏三中有十句。皆先標名。後釋義。於中初六自利。

初一見佛。約微細門。一毛之義。前文頻釋。今重發揮。謂心性本無大小。悟之成智。身土皆爲智影。智淨影明。故大小無礙。一多卽入。次五見法。卽相入門。一證理法。二持教法。三慧知密意。謂以實覆權等。四義窮意趣。謂四意趣等。亦是窮於性相。五聞藏義。兼修證次三利他。一福滿他意。二智滅他惑。三辨教平等。後一攝行成果。此上多有同十藏品。可以意得。

是爲十佛子。菩薩摩訶薩。以一切善根廻向時。得此十種無盡藏。

60123456789

80123456789

疏四結可知。

爾時金剛幢菩薩。普觀十方。而說頌言。
告薩成就深心力。普於諸法得自在。以其勸請隨喜。
福無礙方便善廻向。

疏第二應頌。二十五偈分二。初一頌所廻善根文。
並具含。

三世所有諸如來。嚴淨佛刹徧世間。所有功德靡不具。廻向淨刹亦如是。

三世所有諸佛法。菩薩皆悉諦思惟。以心攝取無有餘。如是莊嚴諸佛刹。

盡於三世所有劫。讚一佛刹諸功德。三世諸劫猶可盡。佛刹功德無窮盡。

如是一切諸佛刹。菩薩悉見無有餘。總以莊嚴一佛土。一切佛土悉如是。

疏餘三十四偈。雙頌前廻向善根。及結行成益。於中先有十一偈頌。一段隨相後。十二偈頌。一段離相。今初分二。初八頌向菩提。於中亦二。初四頌上嚴刹。

有諸佛子心清淨。悉從如來法化生。一切功德莊嚴心。一切佛刹皆充滿。

彼諸菩薩悉具足。無量相好莊嚴身。辨才演說徧世間。譬如大海無窮盡。

菩薩安住諸二昧。一切所行皆具足。其心清淨無與等。光明普照十方界。如是無餘諸佛刹。此諸菩薩皆充滿。

疏次三偈半頌人寶莊嚴。

未曾憶念聲聞乘。亦復不求緣覺道。

疏後半偈頌總攝廻向。

菩薩如是心清淨。善根廻向諸羣生。普欲令其成正道。具足了知諸佛法。

疏一菩薩如是下一偈頌廻向衆生。

十方所有衆魔怨菩薩。威力悉摧破。勇猛智慧無能勝。決定修行究竟法。

菩薩以此大願力。所有廻向無留礙。入於無盡功德藏。去來現在常無盡。

疏三十方下二偈頌結行成德五段通頌。

菩薩善觀諸行法。了達其性不自在。既知諸法性。如是不妄取業及果報。無有色法無色法。亦無有想無無想。有法無法皆悉無了知。一切無所得。

一切諸法因緣生體性非有亦非無而於因緣及所起畢竟於中無取著。

一切衆生語言處於中畢竟無所得了知名相皆分別明解諸法悉無我。如衆生性本寂滅如是了知一切法三世所攝無有餘利及諸業皆平等。

以如是智而廻向隨其悟解福業生此諸福相亦如解。豈復於中可得。

如是廻向心無垢永不稱量諸法性了達其性皆非性不住世間亦不出。

大疏第一菩薩善觀下頌二段離相中三初七頌前
菩提離相與前見實及離妄相參而頌顯此二相成故。

一切所行衆善業悉以廻向諸羣生莫不了達其真性所有分別皆除遣。

所有一切虛妄見悉皆棄捨無有餘離諸熱惱恒清涼住於解脫無礙地。

疏次二頌衆生離相。

菩薩不壞一切法亦不滅壞諸法性解了諸法猶如響悉於一切無所著。

了知三世諸衆生悉從因緣和合起亦知心樂及習氣未曾滅壞一切法。

疏後四頌結行成德離相中初一頌境界清淨德了達業性非是業而亦不違諸法相又亦不壞業果報說諸法性從緣起。

了知衆生無有生亦無衆生可流轉無實衆生而可說但依世俗假宣示。

疏後二頌二空智慧德第五迴向竟

信士王宗茂捐資五兩七錢刻此一卷耑薦先考王應靈妣董氏吳氏洎室鍾氏解脫苦海者

大方廣佛華嚴經疏鈔卷二十五之一

大方廣佛華嚴經疏鈔卷二十五之二

于闐國三藏沙門實叉難陀譯

清涼山大華嚴寺沙門澄觀撰述

佛子云何爲菩薩摩訶薩隨順堅固一切善根迴向疏第六隨順堅固一切善根迴向長行中亦一謂位行位果行中亦二謂牒釋結合初牒名徵起謂所修事善皆悉順入堅固法性故下文云則爲隨順真實住本分名入一切平等善根入卽隨順平等卽堅固平等之理不可壞故若順等理則順諸善根故下文云則爲隨順佛住等又本業云習行

相善無漏善而不二故名隨順平等一切善根此則不唯事順於理理事相順受平等名如此平等方名堅固此約所迴善根及所向實際以立斯名亦可名爲堅固之善根堅固卽善根若以隨順望堅固善根亦通二義卽以無礙善根而爲其性佛子此菩薩摩訶薩或爲帝王臨御大國

疏第二依微廣釋中二光明行所依身二具足下依身起行前中復二先明得位後顯具德今初菩薩行檀之身隨宜萬類故置或言而偏語王者一則在家是施位故二難捨能捨舉勝策劣故三

者菩薩多爲王故以菩薩位唯有一種一者法王二者人王法王教化人王攝化具菩薩戒處處爲王故發號施令無敢違故具能施物遂所求故帝者王也王者王也臨者治也御亦主領千乘之國卽稱爲大下言爲轉輪王則以一洲已去可稱爲大鈔千乘之國者古以一城出革車一乘千乘之國其地千城也乘卽車乘謂以皮裹車革卽皮也生日革熟曰革每乘管卒七十二人一洲已去者輪王有四鐵輪卽王一洲故

威德廣被名震天下凡諸怨敵靡不歸順發號施令

一
撰述

華嚴疏錄卷之二

二

三

悉依正法執持一蓋溥蔭萬方周行率土所向無礙以離垢繒而繫其頂於法自在見者咸服不刑不罰感德從化以四攝法攝諸衆生爲轉輪王一切周給疏二威德下顯具德中二先統領自在德後菩薩下正報殊倫德今初有十二句初二句總有威則下必畏之有德則下必懷之故令名振次凡諸下十句別初句釋威祖父之讐曰寃四夷有土曰敵由威被故敵歸寃順次發號下釋上有德依正施令物可則也執持一蓋等兼釋臨御一蓋有三一則無私萬物故二等教十善故下施蓋中云爲

今衆生得自在蓋能持一切諸善法故二慈悲蓋大光王云如諸菩薩爲高蓋慈心普蔭諸衆生故以離垢繒釋爲帝義於法自在釋爲王義不刑已下雙顯威德謂不以刑戮懲罰之威但令感德從化則威而不猛也又加苦曰刑削奪爲罰導之以德義莫敢不服則庶人無刑齊之以禮樂莫敢不敬則大夫無罰次以四攝下顯是菩薩據異世王爲轉輪王結成有位一切周給有大財卽財位果金財鈔二等教者夫輪王十善化世故

菩薩摩訶薩安住如是自在功德有大眷屬不可沮

撰述

華嚴疏錄卷之二

三

壞離衆過失。見者無厭。福德莊嚴相好圓滿。形體文分均調。具足獲那羅延堅固之身。大力成就。無能屈伏。得清淨業。離諸業障。

疏一正報殊倫德初句結前義。兼生後有大眷屬下具七種果。一宗族果。二離衆過失。不亢不驕。發言誠實。見者無厭。有慈有慧人所信順。節信言果三福德已。顯大色果四獲那羅延堅固之身。顯壽命果五力成就等顯大力果六得清淨業謂得大念慧成就總持。曾事不忘。未萌先覺。由斯有名振天下。卽聲譽果七離諸業障。顯人性果有

業報障非丈夫故兼上財位具八異熟。是增上生如是自在是大勢生。鈔具八異熟者卽瑜伽論三十六淨行品已辨。

具足修行一切布施或施飲食及諸上味。或施車乘或施衣服或施華鬘雜香塗香牀座房舍及所住處上妙燈燭病緣湯藥寶器寶車調良象馬悉皆嚴飾歡喜布施或有來乞王所處座若蓋若金幢旛寶物諸莊嚴具頂上寶冠髻中明珠乃至王位皆無所惜若見衆生在牢獄中捨諸財寶妻子眷屬乃至以身救彼令脫。若見獄囚將欲被戮卽捨其身以代彼命。

或見來乞。連膚頂髮歡喜施與。亦無所惜。眼耳鼻舌。及以牙齒。頭頂手足。血肉骨髓。心腎肝肺。大腸小腸。厚皮薄皮。手足諸指。連肉爪甲。以歡喜心。盡皆施與。或爲求請。未曾有法。投身而下深大火坑。或爲護持。如來正法。以身忍受一切苦毒。或爲求法。乃至一字。悉能偏捨。四海之內。一切所有。恒以正法化導羣生。令修善行。捨離諸惡。若見衆生損敗他形。慈心救之。令捨罪業。若見如來成最正覺。稱揚讚歎。普使聞知。或施於地。造立僧坊。房舍殿堂。以爲住處。及施僮僕。供承作役。或以自身。施來乞者。或施於佛。爲求法故。

歡喜踊躍。爲衆生故。承事供養。或捨王位。城邑聚落。宮殿園林。妻子眷屬。隨所乞求。悉滿其願。或捨一切資生之物。普設無遮大施之會。

疏第二依身起行中三。一明隨相廻向。二明離相廻向。三釋廻向名。初卽廻向菩提。及向衆生。次卽廻向實際。後段通二。又初是廣大廻向。次甚深廻向。後兼深廣。今隨相中分三。初總相標列善根廻向。二佛子菩薩摩訶薩隨所施下。依標廣顯善根廻向。三佛子菩薩摩訶薩隨諸衆生下。總結多門善根廻向。今初亦三。一列所施物。二其中下。辨所

施田三佛子下顯行所依心。今初初句總或施下別。別中若望下廻向應爲六十。若直就文數都八十事。初從飲食至牀座爲一十。以牀座但通是一牀。下文別施座故。次房舍至蓋爲二十。傘至頂髮爲三十。以王位爲重爲明外財施竟。故結云。乃至王位下文自有王位後廻向中此次後無故。次眼至足爲四十。血至腸爲五十。厚皮至救損他形爲六十。示佛與至邑爲七十。從聚落至終爲八十。救獄囚中雖有妻等四事。但爲一救囚之行耳。疏於中前二十七事是外財施。次救獄囚一兼於

內外代囚命下二十九事。唯明內財下諸門中或兼內外。或但是外可以意得。鈔二內外料揀。即一切施中二門明義。

疏又前二十七施無樂者。是爲慈行。救囚代命等爲大悲行。餘或通一行。若通相辨。皆兼二行。鈔三四等料揀喜捨二行在總句中。

疏又代命救殘害男形。是無畏施。斷殺有二。若望所殺是無畏施。若望能殺令持五戒。是爲法施。告示佛與。即是法施財施可知。又此等既並是法門俱通三施。鈔四三施料揀。即一切施也。

撰述

華嚴疏錄卷之二

五

其中衆生種種福田。或從遠來。或從近來。或賢或愚。或好或醜。若男若女人。與非人心行不同。所求各異。等皆施與。悉令滿足。

疏一。所施田中等。皆施與者。不揀賢愚等故。悉令滿足者。隨所求故。

佛子。菩薩摩訶薩。如是施時。發善攝心。悉以迴向。

疏三。顯能施迴向之心者。望前是能施之心。故云如是施時。發善攝心。望後是能迴向心。故云發善攝心。悉以迴向。故下諸門迴向之內。皆以此心貫之。文中二。先總明。

所謂善攝色。隨順堅固。一切善根。善攝受想行識。隨順堅固。一切善根。善攝王位。隨順堅固。一切善根。善攝眷屬。隨順堅固。一切善根。善攝資具。隨順堅固。一切善根。善攝惠施。隨順堅固。一切善根。

疏後所謂下別顯於中所攝有五總收上來能施所施。及以施物言善攝者。釋隨順義。謂此菩薩若行於施廻向之時。於自他五蘊等心無住著。不令馳散。故云善攝如此。則與實際相應。便能隨順堅固。善根。謂捨住著故。隨順施善。無異求故。隨順戒善。忍深理故。隨順忍善。離色相故。隨順進善。不馳

撰述

華嚴疏金卷之二

散故隨順定善了無生故隨順慧善。如是乃至一切由順實際任運順於一切稱性之善。鈔三隨順善根畧舉六度總結萬行。

○疏第二依標廣顯中龕相望前畧有五異一傘二頂前有後無舍宅一種前無後有卽有無異也二前以法導化卽後禁殺令住五戒卽名字異也三承事供養前合後開象馬等事前開後合卽開合異也四後文舌居牙齒之後眷屬居妻子之前骨居腸下飲於食後卽前後異五前畧後廣其文非一也餘皆大同然其都門但有六十由開合故謂

十二段二三相合一象馬二幢幡三寶冠明珠四耳鼻五牙齒六手足七髓肉八厚薄皮九手足指十僮僕十一園林十二妻子復有一段各五事合謂一腸腎肝肺四事及大小腸合一迴向二王位邑聚落宮殿合一迴向故下文云國土一切諸物卽斯五事都十四門合二十事雖闕二事而加二事謂宅舍及開承事與供侍別故有六十門昔光統師以後都門束前標中亦唯六十成一百二十門皆有十善成千二百以七施乘之成八千四百一具十迴向成八萬四千言七施者隨相有六

謂心有三種。卽三時喜事有三種。卽是三輪入理。有一。卽照三輪空。又以七聖財乘之。亦得。如一施行。有八萬四千餘一行。皆亦如是。此土且約法門。非無有理。若散說者。行相無量。如施資具。及大會等。不可言一。故次標云。無量無邊後都結云。阿僧祇物。實則皆是法界大緣起門。普賢無礙自在之行。故以一切所有施於一田。一切皆爾。一微塵處。卽施一切衆生。徧法界皆爾。一剎那中頓成此行。盡前後際。亦爾。此一菩薩滿法界身。倘起此行。仍有純雜。若以純門。於一施眼徧上時處。唯見施

眼。十方無邊初後無際。餘門如虛空雜則隨一施眼。具足諸門。餘亦如是。純雜無礙。重重無盡。故知六十八十。乃舉其大綱耳。鈔然其都門下。正出八十六十。所以開合有無。故二出其本意。以皆成事事無礙。重重之行。

佛子菩薩摩訶薩。隨所施物。無量無邊。以彼善根。如是廻向。

疏文中二。初總標施行。成廻向行。無量之義。已如上辨。

所謂以上妙食施衆生時。其心清淨。於所施物。無貪

撰述

華嚴疏卷之二十一

十一

卷

無著無所顧恪具足行施。

疏第一所謂下。一一別顯六十門內。一一皆四。一施行。一迴向行。三雙結。二行。四迴向所爲。若闕所爲。則但有三。亦可合後二段爲雙結所爲。此科宜記下有廣畧。至文當知。若具四段。門前多不科判。今第一施食。以食爲世命。貴賤同依。故首明之文。但有三。光明施行。言其心清淨者。離施過故。謂不求名利。果報及怖畏等。而行施故。不貪著者。是無貪思。無顧恪者。是無慳思。又施時無貪著者。是無顧恪。隨所施行。與衆生共。兼於事理。名爲具足。此

心在初亦貫下諸段。

願一切衆生得智慧食。心無障礙。了知食性。無所貪著。但樂法喜。出離之食。智慧充滿。以法堅住。攝取善根法身。智身清淨。遊行哀愍。衆生爲作福田。現受搏食。

疏。一願一切下。迴向行。然其所願。正爲衆生。令得成佛。卽向菩提也。下皆準之。然阿含唯識等說。世間食總有四種。一觸。二思。三識。四段。說出世食。有其五種。一禪悅。二願。三念。四解脫。五法喜。今翻四成五。鈔然阿含唯識等說者。唯識第四云。謂契

經說。食有四種。一段食。卽分段義。變壞爲相謂欲界繫。香味觸三。於變壞時。能爲食事。但所觸得。由此色處。非段食攝。以變壞時。色無用。故變壞不益色。麌著眼根。故又此三爲與眼相離方能有用。不與眼合。故非是食也。問。食爲對自根亦對餘根。答。先資身根爲資養已後資餘根。以發識明利。二觸食。觸境爲相。卽心所觸爲此食體。謂有漏觸。纔取境時。攝受喜等能爲食事。此正顯也。此觸雖與諸識相應。七八觸境細故。不攝喜樂等。故屬六識者。食義偏勝。觸麌顯境。攝受喜樂及順益捨資養。勝食義偏勝。觸麌顯境。攝受喜樂及順益捨資養。勝

故三思意食。希望爲相。唯取與欲俱思。謂有漏思與欲俱轉。希可處境能爲食事。此思雖與諸識相應。屬意識者。食義偏勝。意識於境。希望勝故。四識食。執持爲相。謂有漏識。由段觸思。勢力增長。能爲食事。此識雖通諸識自體。而第八識。食義偏勝。一類相續。執持勝故。釋曰。此三食勢增長。此識亦長養諸根大種。能爲食事。由是集論說。彼四食。二蘊五處。十一界攝。釋曰。段食是色觸思是行識。食如名。段是香味觸三處。思是法處。識是意處。段攝二界。觸思法界。識七心界。論云。此四能持有情身命。

撰述

華嚴疏鈔卷之二

十一

卷

令不斷壞。故名爲食。餘如彼論。而列段食居其後者。前三有漏通於三界段。唯欲界故。又順經翻。最在後故。說出世食者。然上云阿含。卽雜阿含。連說九食。前四世間。後五出世。一禪悅食者。禪定資神。輕安適悅。卽爲食義。然其五食。旣云出世。通資法身。二願力任持。出世之法。法身增長。卽爲食義。三念力明記。聖道現前故。四解脫除障。居然資益。五法喜內充攝。喜樂故。

疏一翻思食成智慧食。卽是念食。念慧隣故。二無所食下。翻於觸食以成法喜。觸以攝受喜等。能爲受段食。今云搏者。尚依古譯。鈔一翻前思成第三念。以經之智釋成於念。念慧隣故。出其所以。亦如四念慧爲體。故鄰近名念。二翻觸成第五。兼於第四。三翻識成第一。四翻段成第二。願食言搏者。尚依古譯。今以飲水等。亦是段食。不可搏握。故譯爲段形。段分段而食故。

撰述

聖藏疏金卷之二

三

是爲菩薩摩訶薩布施食時。善根迴向。

疏三。是爲下雙結三行。

佛子。菩薩摩訶薩若施飲時。

疏第二。施飲中亦三初施行。

以此善根如是迴向。

疏。以此下。迴向行於中先牒前起後。
所謂願一切衆生飲法味水。精勤修習。具菩薩道。斷
世渴愛。常求佛智。離欲境界。得法喜樂。從清淨法。而
生其身。常以三昧。調攝其心。入智慧海。興大法雲。霽
大法雨。

疏後。所謂願一切下。別顯願相。下皆倣此。然望食
雖異。不離五食。望水雖異。多同水用。故所願事。或
翻或順。或敵體相似。或流類以明。不全冠定。文中
一如飲無間。易得充足。飲法精勤。速具大道。餘並
可知。鈔一如飲無間。此卽敵體相似。斷世渴愛。
常求佛智。卽或翻也。得法喜樂等。卽順也。入海霆
雨。卽同水義也。下諸門中。體勢亦爾。隨時解釋。
是爲菩薩摩訶薩布施飲時。善根迴向。

疏三雙結。

佛子。菩薩摩訶薩。布施種種清淨上味。所謂辛酸鹹

60123456789

80123456789

撰述

華嚴疏金卷之二十一

淡。及以甘苦種種諸味潤澤具足能令四大安隱調和。肌體盈滿氣力彊壯。其心清淨常得歡喜。咽喉之時不欬不逆。諸根明利內藏充實。毒不能侵病不能傷。始終無患永得安樂。

疏第三施味文四加所爲故初施行可知。

以此善根如是廻向所謂願一切衆生得最上味。甘露充滿願一切衆生得法智味了知一切諸味業用。願一切衆生得無量法味了達法界安住實際大法城中願一切衆生作大法雲周徧法界普雨法雨教化調伏一切衆生願一切衆生得勝智味無上法喜。

充滿身心願一切衆生得無貪著一切上味不染世間一切諸味常勤修習一切佛法願一切衆生得一法味了諸佛法悉無差別願一切衆生得最勝味乘一切智終無退轉願一切衆生得入諸佛無異法味悉能分別一切諸根願一切衆生法味增益常得滿足無礙佛法。

疏二以此下廻向行中十願初願晉經得上味相則是三十二相之一經說佛大牙後有甘露泉但食入口悉爲甘露約法亦卽涅槃爲甘露不死之味餘文並顯鈔經說佛大牙等者卽涅槃十四。

般若

華嚴疏錄卷之二

廿

經

其施食等。亦皆發願各是一事。與此大同。不能繁引。

是爲菩薩摩訶薩布施味時。善根廻向。

爲令一切衆生勤修福德。皆悉具足無礙智身故。
疏三雙結。

疏四所爲。

佛子。菩薩摩訶薩施車乘時。以諸善根如是廻向。所謂願一切衆生皆得具足。一切智乘。乘於大乘。不可壞乘。最勝乘。最上乘。速疾乘。大力乘。福德具足乘。出世間乘。出生無量諸菩薩乘。是爲菩薩摩訶薩施車。

乘時。善根廻向。

疏第四施車乘分三。初施行者。義通馬等。以第十六別施車故。廻向十願。皆約代步。初一唯果。餘兼通因。然乘體性。通於理智。隨義立名。一。體性包含。二。不可廢立。三。超劣。四。無過。五。不歷。三祇。六十力普運。七。兼五度。萬行八。無漏相應。九。發心趣者。卽名菩薩。鈔義通馬者。以梵語通呼車乘云野。余我反囊。若別呼車云奢羯吒。若呼車輅云曷羅他。此云野囊。明是車乘故。通馬等下。第十六卽單是車。以梵云奢羯吒故。

撰述

華嚴經卷之二

三

佛子。菩薩摩訶薩布施衣時。以諸善根如是廻向。所謂願一切衆生得慚愧衣以覆其身。捨離邪道露形惡法。顏色潤澤。皮膚細軟。成就諸佛第一之樂。得最清淨一切種智。是爲菩薩摩訶薩布施衣時善根廻向。

疏第五衣中。瑜伽施衣能感妙色。以衣禦寒。令顏色潤澤故。又新衣成。整持獻佛。得無量福。若要期日數未滿而取。成取佛物。

佛子。菩薩摩訶薩常以種種名華布施。所謂微妙香華。種種色華。無量奇妙華。善見華。可喜樂華。一切時貧窮孤露。布施之時。

疏第六施華文四。初施行中。先列施物。後供養下明所施田下至自身者。身爲福田。是法器故。依之進道故。故施自身。勝施外道無量。以諸善根如是廻向。所謂願一切衆生皆得諸佛三昧之華。悉能開敷。一切諸法。願一切衆生皆得如佛。

撰述

聖嚴論錄卷之二

九

見者歡喜。心無厭足。願一切衆生所見順愜。心無動亂。願一切衆生具行廣大清淨之業。願一切衆生常念善友。心無變異。願一切衆生成滿大願。皆悉得爲無上智。王願一切衆生智慧日光破愚癡暗。願一切衆生菩提淨月增長滿足。願一切衆生入大寶洲見善知識。具足成就一切善根。

疏迴向十願前七可知。入赤蓮華等不遇日光。翳光無疑菩薩之行。必資乎智。涅槃第九云。譬如蓮華爲日所照。無不開敷。九月開青蓮。佛智照行。涅槃

十一云。譬如月光能令一切優鉢羅華開敷。鮮明十約寶華。鈔涅槃第九下。卽如來性品廣歎涅槃之德。疏但舉喻。彼合文云。一切衆生亦復如是。若得見聞大涅槃。自未發心者。皆悉發心爲菩提因。是故我說大涅槃光所入毛孔。必爲妙因。彼一闡提雖有佛性。而爲無量罪垢所纏。不能得出。如蠶處繭。以其合文第一疏已用。今但要喻耳。九月開青蓮者。卽梵行品。耆婆爲闍王說。因世尊入月處。二昧放光照王。王問其故。耆婆答云。此是如來入月處。二昧放光。問云。何等名爲月處。三昧。耆

撰述

華嚴藏鏡卷之二

婆荅言。譬言如月光能令一切優鉢羅花開敷鮮榮。月處二昧亦復如是。能令衆生善心開敷下卽廣說。今但取月開青蓮耳。合以佛智爲月。行爲蓮。開是爲菩薩。訶薩布施華時善根廻向爲令衆生皆得清淨無礙智故。

疏後二段可知。

佛子。菩薩摩訶薩布施髮時。以諸善根如是廻向。所謂願一切衆生大所樂見。見者欽歎。見者親善。見者憂樂。見者渴仰。見者除憂。見者生喜。見者離惡。見者常得親近於佛。見者清淨。獲一切智。是爲菩薩摩訶

薩布施髮時善根廻向。

疏第七施髮者。貰華如環。而爲首飾。或以纓身。故未見則樂見。正見則憂樂。鈔或以纓身者。在身曰纓。在首曰鬟。纓乃鬟類。皆結華成。因便故來。佛子。菩薩摩訶薩布施香時。以諸善根如是廻向。

疏第八施香中。準下塗香。十度萬行皆香。此偏語

戒者。翻破戒之穢故。

願一切衆生。具足戒香。得不缺戒。不雜戒。不汚戒。無悔戒。離纏戒。無熱戒。無犯戒。無邊戒。出世戒。菩薩波羅蜜戒。願一切衆生。以是戒故。皆得成就諸佛戒身。

撰述

華嚴經錄卷之十一

九

續

疏願有十二初一總標次十別顯少同十藏多同智論隨宜不同但按文釋一具持三聚二不雜外道三無染心涅槃經中乃至染環釤聲亦名汙苦薩戒四不犯重故犯重之人多生悔恨五設有誤犯深慚愧故如其故犯數犯不生慚愧深憂著犯見犯是福名之爲纏六七定共相應故無惑熱常持如初八九道共相應離斷常邊成出世行十遠離一乘圓修十度方名不犯菩薩律儀是智所讚戒末句結因成果謂五分之一

是爲菩薩摩訶薩布施香時善根迴向爲令衆生悉

得圓滿無礙戒蘊故

佛子菩薩摩訶薩施塗香時以諸善根如是迴向所謂願一切衆生施香普熏悉能惠捨一切所有願一切衆生戒香普熏得於如來究竟淨戒願一切衆生忍香普熏離於一切險害之心願一切衆生精進香普熏常服大乘精進甲冑願一切衆生定香普熏安住諸佛現前三昧願一切衆生慧香普熏一念得成無上智王願一切衆生法香普熏於無上法得無所畏願一切衆生德香普熏成就一切大功德智願一切衆生菩提香普熏得佛十力到於彼岸願一切衆

60123456789

10

80

1123456789

生清淨白法妙香普熏永滅一切不善之法是爲菩薩摩訶薩施塗香時善根迴向。

疏第九塗香十度皆有熏發資長菩提心義辟除蔽障俱得稱香。

佛子菩薩摩訶薩施牀座時以諸善根如是迴向。疏第十施牀座中初舉施行下第十八別明施座故晉譯此以爲牀敷深允當也。

所謂願一切衆生得諸天牀座證大智慧願一切衆生得賢聖牀座捨凡夫意住菩提心願一切衆生得安樂牀座永離一切生死苦惱願一切衆生得究竟

牀座得見諸佛自在神通願一切衆生得平等牀座恒普薰修一切善法願一切衆生得最勝牀座具清淨業世無與等願一切衆生得安隱牀座證真實法具足究竟願一切衆生得清淨牀座修習如來淨智境界願一切衆生得安住牀座得善知識常隨覆護願一切衆生得師子牀座常如如來右脇而卧。

疏迴向行中十願一卽第一義天大智證故二菩提心是賢聖依三涅槃解脫四首楞嚴定名爲究竟如四禪座能發神通餘六可知。

是爲菩薩摩訶薩施牀座時善根迴向爲令衆生修

60123456789

10

80

123456789

撰述

華嚴藏經卷之二

三

経

習正念善護諸根故。

佛子。菩薩摩訶薩施房舍時。以諸善根。如是廻向。所謂願一切衆生。皆得安住清淨佛刹。精勤修習。一切功德。安住甚深三昧境界。捨離一切住處執著。了諸住處。皆無所有。離諸世間。住一切智。攝取一切諸佛所住。住究竟道。安樂住處。恒住第一清淨善根。終不捨離。佛無上住處。是爲菩薩摩訶薩施房舍時。善根廻向。爲欲利益一切衆生。隨其所應思惟救護故。疏十一房舍中。攝取一切諸佛所住。謂聖天梵等。後言。舍佛最上住者。住大寂室。餘取事類例可。

以虛求。

佛子。菩薩摩訶薩施住處時。以諸善根。如是廻向。所謂願一切衆生。常獲善利。其心安樂。願一切衆生。依如來住。依大智住。依善知識住。依尊勝住。依善行住。依大慈住。依大悲住。依六波羅蜜住。依大菩提心住。依一切菩薩道住。是爲菩薩摩訶薩施住處時。善根廻向。爲令一切福德清淨故。究竟清淨故。智清淨故。道清淨故。法清淨故。戒清淨故。志樂清淨故。信解清淨故。願清淨故。一切神通功德清淨故。

疏十二住處。謂僧坊等。

60123456789

10

80

123456789

佛子菩薩摩訶薩施諸燈明。所謂酥燈油燈寶燈摩尼燈。漆燈火燈。沉水燈。栴檀燈。一切香燈。無量色光燈。施如是等無量燈時。爲欲利益一切衆生。爲欲攝受一切衆生。

疏十三施燈。一明施行於中列其施物寶燈者。如夜光之類。沉水栴檀用和酥油。無量色者。然膏色白。然漆色赤。然油色黃。然檀色綠。如是種種。如是等下。明其施意。

以此善根。如是迴向。所謂願一切衆生得無量光普照。一切諸佛正法。願一切衆生得清淨光。照見世間。

極微細色。願一切衆生得離翳光。了衆生界空無所有。願一切衆生得無邊光。身出妙光。普照一切。願一切衆生得普照光。於諸佛法心無退轉。願一切衆生得佛淨光。一切刹中悉皆顯現。願一切衆生得無礙光。一光徧照一切法界。願一切衆生得無斷光照。諸佛刹光明不斷。願一切衆生得智幢光。普照世間。願一切衆生得無量色光。照一切刹示現神力。

疏一以此下。迴向行於中先正顯迴向。願後辨迴向。意前中十願。然準瑜伽賢首。皆明施燈得淨眼報。然燈功德經燒燈供養。大能滅罪生福。令發願。

60123456789

10

80

1

9

撰述

華嚴經疏卷之二

言當以大海爲油須彌爲炷然大燈明徧佛刹海供養無休又願法門之燈大願爲炷等今文願中具身智光並可思準鈔然準瑜伽等者瑜伽文廣事亦可知賢首偈云又放光名眼清淨能令盲者見衆色以燈施佛及佛塔是故得成此光明然燈功德經者亦名施燈功德唯有一卷前廣說施燈所獲功德近後偈云於彼佛塔施燈已其人身光如燈照牟尼牛王清淨眼以好燈明照彼塔得於無漏無上道其身光明照十方見四真諦具十力不共之法亦究竟得徧見眼成善逝此果皆由

布施燈釋曰此明至極功德次有偈校量云設令一切諸衆生昔曾供養無量佛具大威德見實義億劫來成緣覺道十方所有諸世界悉布燈明無有餘以是世界諸燈鬘若人信心供養彼是人如是修供養於無量劫常不斷若人一燈供養佛得福過前無有量燈油譬如大海水其炷猶如須彌山有人能然如是燈徧照一切諸世界是人深心唯敬信其志唯求緣覺道十方徧置如是燈一心恭敬而供養若人發於菩提心手執草炬暫供佛是人得福過於彼我見實義作是說釋曰按上經

文以佛德難思故舉廣供辟支不及佛塔非令發願今取下七十八大願爲炷大悲爲油等例之應廣發願令其事理皆廣大耳。

菩薩如是施燈明時爲欲利益一切衆生安樂一切衆生故以此善根隨逐衆生以此善根攝受衆生以此善根分布衆生以此善根慈愍衆生以此善根覆育衆生以此善根救護衆生以此善根充滿衆生以此善根緣念衆生以此善根等益衆生以此善根觀察衆生。

疏後菩薩如是下顯迴向意

是爲菩薩摩訶薩施燈明時善根迴向
疏二是爲下雙結。
如是迴向無有障礙普令衆生住善根中。

疏四如是下迴向所爲其迴向意諸文應具大同所爲故畧不明。

佛子菩薩摩訶薩施湯藥時以諸善根如是迴向。
疏十四湯藥中二一施行施藥近果得無病報如薄俱羅遠得藥王樹身等如十大願中辨。

所謂願一切衆生於諸益纏究竟得出願一切衆生永離病身得如來身願一切衆生作大良藥滅除一

60 1 2 3 4 5 6 7 8 9

10

80

1 2 3 4 5 6 7 8 9

撰述

華嚴疏錄卷之二

一切不善之病願一切衆生成阿伽陀藥安住菩薩不退轉地願一切衆生成如來藥能拔一切煩惱毒箭願一切衆生親近賢聖滅諸煩惱修清淨行願一切衆生作大藥王永除衆病不令重發願一切衆生作不壞藥樹悉能救療一切衆生願一切衆生得一切智光出衆病箭願一切衆生善解世間方藥之法所有疾病爲其救療

疏一迴向行言不重發者經云世醫所療治雖差還復生如來所治者畢竟不復發餘可知鈔世醫所療治雖差還復生卽涅槃經第五地中當廣

引說

菩薩摩訶薩施湯藥時爲令一切衆生永離衆病故究竟安隱故究竟清淨故如佛無病故拔除一切病箭故得無盡堅固身故得金剛圍山所不壞身故得堅固滿足力故得圓滿不可奪佛樂故得一切佛自在堅固身故以諸善根如是迴向

疏三菩薩下雙辨一行所爲言金剛圍山所不能壞者如不思議法品十種大那羅延幢勇健法中第一說堅固滿足力亦是彼品中十力第七名堅固力不可奪樂者是常樂故自在堅固身者卽金

60123456789

10123456789

80

123456789

撰述

華嚴疏錄卷之二

剛身。金剛爲內照之實。非唯金色。故云自在。鈔
卽金剛身者。涅槃第三有金剛身品。金剛爲內照
之實。卽生公釋言。非唯金色。亦不全遮意通內外
耳。前已引竟。

佛子。菩薩摩訶薩悉能惠施一切器物。所謂黃金器。
盛滿雜寶。白銀器。盛衆妙寶。瑠璃器。盛種種寶。玻瓈
器。盛滿無量寶。莊嚴具。碑碣器。盛赤真珠。瑪瑙器。盛
滿珊瑚。摩尼珠寶。白玉器。盛衆美食。旃檀器。盛天衣
服。金剛器。盛衆妙香。無量無數種種寶器。盛無量無
數種種衆寶。

疏十五施器中文四初施行中三一所施物

或施諸佛。信佛福田。不思議故。或施菩薩。知善知識
難值遇故。或施聖僧。爲令佛法久住世故。或施聲聞
及辟支佛。於諸聖人生淨信故。或施父母。爲尊重故。
或施師長。爲恒誘誨。令依聖教修功德故。或施下劣
貧窮孤露。大慈大悲。愛眼等。視諸衆生故。專意滿足
去來今世一切菩薩檀波羅蜜故。以一切物普施一
切。終不厭捨諸衆生故。

疏二或施下對田顯施聖僧通三乘。

如是施時。於其施物。及以受者。皆無所著。

撰述

華嚴經疏卷之十一

三

疏三如是下成波羅蜜

菩薩摩訶薩以如是等種種寶器盛無量寶而布施時以諸善根如是迴向所謂願一切衆生成等虛空無邊藏器。念力廣大悉能受持世出世間一切經書無有忘失願一切衆生成清淨器能悟諸佛甚深正法願一切衆生成無上寶器悉能受持三世佛法願一切衆生成就如來廣大法器以不壞信攝受三世佛菩提法願一切衆生成就最勝寶莊嚴器住大威德菩提之心願一切衆生成就功德所依處器於諸如來無量智慧生淨信解願一切衆生成就趣入一

切智器究竟如來無礙解脫願一切衆生得盡未來劫菩薩行器能令衆生普皆安住一切智力願一切衆生成就三世諸佛種性勝功德器一切諸佛妙音所說悉能受持願一切衆生成就容納盡法界虛空界一切世界一切如來衆會道場器爲大丈夫讚說之首勸請諸佛轉正法輪

疏一菩薩下明迴向行十願一廣二深二高四堅五勝六淨七果八悲九聞熏納教十攝法上首然隨施一器卽發多願未必一器以對一願。

是爲菩薩摩訶薩布施器時善根迴向爲欲普令一

撰述

華嚴疏錄卷之十一

三

續

切衆生皆得圓滿普賢菩薩行願器故。

疏三結四所爲可知。

佛弟子陸承德捨銀四兩九錢三分四釐刺此一卷

大方廣佛華嚴經疏鈔卷二十五之一終

大方廣佛華嚴經疏鈔卷二十六

于闐國三藏沙門實叉難陀譯

清涼山大華嚴寺沙門澄觀撰述

十迴向品第二十五之四

佛子菩薩摩訶薩以種種車衆寶嚴飾。

疏十六施車中二先標列財田後佛子菩薩摩訶

薩以如是等下隨田別顯前中三事一總標所施奉施諸佛及諸菩薩師長善友聲聞緣覺如是無量種種福田乃至貧窮孤露之者此諸人衆或從遠來或從近來或承菩薩名聞故來或是菩薩因緣故來

60123456789

80123456789

撰述

華嚴疏錄卷二十一

或聞菩薩往昔所發施願故來。或是菩薩心願請來。
疏二奉施下別舉福田於中先辨類後此諸人下。
彰其來意因緣故來者往昔有緣應受施故。

菩薩是時或施寶車或施金車悉妙莊嚴鉸網覆上。
寶帶垂下或施上妙琉璃之車無量珍奇以爲嚴飾。
或復施與白銀之車覆以金網駕以駿馬或復施與
無量雜寶所莊嚴車覆以寶網駕以香象或復施與
旃檀之車妙寶爲輪雜寶爲蓋寶師子座敷置嚴好。
百千綵女列坐其上十萬丈夫牽御而行或復施與
玻瓈寶車衆雜妙寶以爲嚴飾端正女人充滿其中。

寶帳覆上幢旛侍側或復施與碼礪藏車飾以衆寶
熏諸雜香種種妙華散布莊嚴百千綵女持寶瓔珞
駕馭均調涉險能安或復施與堅固香車衆寶爲輪。
莊嚴巨麗寶帳覆上寶網垂下種種寶衣敷布其中。
清淨好香流芬外徹其香美妙稱悅人心無量諸天
翼從而行載以衆寶隨時給施或復施與光明寶車。
種種諸寶妙色映徹衆妙寶網羅覆其上雜寶瓔珞。
周帀垂下散以末香內外芬潔所愛男女悉載其上。
疏二菩薩是時下別列所施以明施行問瑜伽三
十九云若有衆生來求種種能引戲樂能引無義

60123456789

10

所施之物不應施與。今施美色。豈不相違。又云施妻子時不應施與冤家惡人。藥叉羅刹凶暴業者。今云種種福田。豈皆施與。答能施有二。謂必知能爲損惱。不施無咎。若不委知。但作利安之心。施亦無咎。况菩薩能知無染。又同行之女。必不生物染。又女能以法而化彼故。故攝論中。有利有染。無利無染。有染無利。此三菩薩不行有利無染。菩薩乃行。鈔問瑜伽等者。卽彼明菩薩應施不應施中。總有二十三類。今當其一。不應施與下。更有論云。何以故。若施彼時。雖慙令彼於菩薩所心生歡喜。

而復令彼廣作種種不饒益事。謂因施故。令彼多行憍逸惡行。身壞之後。墮諸惡趣。從今施美色下。疏以論難經。又云施妻子時。不應施與怨家。亦是此論次文。其凶暴業者。論具云。又諸菩薩於自妻子。奴婢僕使。親戚眷屬。若不先以正言曉喻。令其歡喜。終不強逼。令其憂惱。施來乞者。雖復先以曉喻。令其歡喜。生樂欲心。而不施與怨家惡友。藥叉羅刹凶暴業者。不以妻子形容軟弱。族姓男女。施來求者。令作奴婢。論次又云。菩薩若有上品逼惱衆生。樂行種種暴惡業者。來求王位。終不施與。若

60123456789

80123456789

撰述

華嚴疏錄卷二十一

三

彼暴惡補特伽羅。先居王位。菩薩有力。尚應廢黜。況當施與釋曰。此皆不應施。又從今云種種下疏。以論難經答能施有二下答中。先正答後引證。前有三意。一菩薩善知不知皆得。二知女無染。三知翻利益。故攝論中者。卽無性論第八兩本。世親皆是第九。梁論當第十二。今依無性。然是義引。彼論先併舉本論四句。後更牒釋。今便舉便釋。本論云。若諸菩薩成就如是增上尸羅。增上質多。增上般若功德圓滿。於諸財位得大自在。何故。現見有諸有情。置乏財位。釋曰。上卽問也。釋論今解本論答。

云見彼有情於諸財位。有重業郭故。無性先總明。答意云。今當顯說。由是因緣。菩薩雖有財位。自在而不施他。釋向初答云。謂諸菩薩見彼有情於其財位。有重業郭。故不施與。勿令惠施。空無有果。設復施。彼亦不能受。何用施爲。如有頌云。如母乳嬰兒。一經月無倦。嬰兒喉若閉。乳母欲何爲。解曰。此卽第一無利無染。以一向不能受。何利何染。一本論云。見彼有情。若施財位。郭生善法故。釋論云。謂諸菩薩見彼有情。雖於財位無重業郭。而彼若得財位圓滿。便多放逸。不起善法。作是思惟。寧復現。

支那

華嚴疏錄卷二十一

四

吉

60 1 2 3 4 5 6 7 8 9

10

80

1

2

3

4

5

6

7

8

9

世少時貧賤。勿令來生多時貧賤。故不施彼所有財位。解曰。卽第二有染無利。三本論云。見彼有情。若乏財位。厭離現前。故釋論云。謂諸菩薩。見彼有情。若乏財位。厭生死心。便現在前。求欲出離。若得富貴。卽生放逸。故不施彼所有財位。作是思惟。寧彼貧賤。厭離生死。心常現前。勿復富貴。愛樂放逸。不起善法。解曰。此亦成上有染無利。四本論云。見彼有情。若施財位。卽爲積集不善法。因故釋論云。謂諸菩薩。見彼有情。若當施彼滿足財位。卽便放逸。積集種種惡不善業。故不施彼所有財利。如有

頌云。寧使貧乏於財位。遠離惡趣諸惡行。勿被富貴。亂諸根。令感當來衆苦器。解曰。亦有染無利。五本論云。見彼有情。若施財位。卽便作餘無量有情損惱。因故釋論云。謂諸菩薩。見彼有情。若得富貴。卽便損惱無量有情。故不施彼所有財位。作如是念。寧彼一身受貧窮苦。勿令損惱餘多有情。解曰。亦有染無利也。故本論結云。是故現見有諸有情。匱乏財位。此中存頌。見業郭現前。積集損惱。故現見諸有情。不感菩薩施。釋曰。上云五重。但有二句。初一無利無染。餘四皆有染無利。而義不同。一郭

撰述

華嚴疏錄卷二十六

五

生善法。二不生厭離。三自積不善。四損惱於他。其有利有染。損益雙具。故亦不施。爲損過微論畧。不說餘可知也。

佛子。菩薩摩訶薩。以如是等衆妙寶車。奉施佛時。

疏第二隨田別顯。約五類田。則分爲五。一一段中。文皆具四。今初施佛。先施行可知。

以此善根如是迴向。所謂願一切衆生悉解供養最上福田。深信施佛得無量報。願一切衆生一心向佛。常遇無量清淨福田。願一切衆生於諸如來無所惜。具足成就大捨之心。願一切衆生於諸佛所修行。

施行離二乘願。逮得如來無碍解脫。一切智智。願一切衆生於諸佛所行無盡施入佛無量功德智慧。願一切衆生入佛勝智得成清淨無上智王。願一切衆生得佛徧至無碍神通。隨所欲往靡不自在。願一切衆生深入大乘。獲無量智。安住不動。願一切衆生皆能出生一切智法。爲諸天人最上福田。願一切衆生於諸佛所無嫌恨心。勤種善根。樂求佛智。願一切衆生任運能往一切佛刹。一刹那中普周法界而無懈倦。願一切衆生逮得菩薩自在神通。分身徧滿等虛空界。一切佛所。親近供養。願一切衆生得無比身徧。

往十方。而無厭倦。願一切衆生。得廣大身。飛行迅疾。隨意所往。終無懈退。願一切衆生。得佛究竟自在威力。一刹那中。盡虛空界。悉現諸佛神通變化。願一切衆生。修安樂行。隨順一切諸菩薩道。願一切衆生。得速疾行。究竟十力智慧神通。願一切衆生。普入法界十方國土。悉盡邊際。等無差別。願一切衆生。行普賢行。無有退轉。到於彼岸。成一切智。願一切衆生。升於無比智慧之乘。隨順法性。見如實理。

疏迴向行中有二十願。初十約所施佛田立願。後十約所施車立願。並顯可知。

疏但云修安樂行者。法華安樂行品說。四安樂行。一畢竟空行。經名行處近處。已入於理。而履行之名爲行處。故經云。又復於法無所行。而觀諸法。如實相等。雖未入理。能遠諸惡。親而近之。名親近處。故經云。不親近國王及外道等。爲遠惡也。觀一切法空。爲近理也。二名身口無過失行。三者心無嫉妒行。四大慈悲行。廣如彼說。鈔法華等者。今疏所列。初一會諸師義。後三全同生公。生公初一但名行處近處。意是總明遠惡近理。下三別耳。寶林基公。第一名空行。二名離憍慢。三四同生公。南嶽

60123456789

123456789

撰述

卷二十一

三

云。一名無著正慧。二明口不說過。三敬上接下。四同生公。大乘法師。一正身行。二正語行。三心離諸惡。自利行。四心修善法利他行。天台云。止觀慈悲。導三業及誓願。初身有止故離身麤業。有觀故不得身業。不得能離。無所得故不墮凡夫。有慈悲故勤修身業廣利。一切不墮二乘。有止行故著忍辱衣。有觀行故坐如來座。有慈悲故入如來室。止行離過。卽成斷德。觀行無著。卽成智德。慈悲利他。卽成恩德。恩德資成智德。智德能通達斷德。名身安樂行。餘口意誓願。亦如是。釋曰。此卽通辨三法爲

能導其所導。卽初一是身。二是口。三是意。四是誓願。大乘法師傍以立名。然諸師立皆從多分增勝。以分通用三法理。則玄妙不彰。四別今取生公之意。合身口在第二。取行處近處。及南嶽寶林共立。一名。名畢竟空行。寶林但語一空。似約於境。南嶽云。無著慧。但語於心。今云畢竟空。心境兩亡。空有雙會。故生公云。近處明遠惡近理。行處而爲履行之宗。在畢竟空耳。此爲大智。四爲大悲。悲智相導。於中二三業。天台之意。亦不失也。又初後成德。中二離過。離過卽斷德。初智後悲。三德尙矣。雖義俱

撰述

華嚴疏錄卷二十一

八

卷二十一

通從多故別。是以第一經中。但名行處近處意在近理行理耳。已入於下。卽生公釋下疏引經證。旣云無行而觀。卽寂照雙流爲行理也。而言等者。等取下文。亦不行不分別。釋此自有二意。一謂上無行而觀。皆是不分別。今又不行。則寂照兩亡也。二但對上。而觀諸法如實相。恐濫從行起觀。今明正觀時。亦不行此觀。不分別此觀。就行約心。詣於理觀。約照達於理。今心行不行。觀無分別。卽觀無觀。是寂照雙流。故下偈云。又復不行上中下法。有爲無爲。實不實法。卽不行也。亦不分別是男是女。不

得諸法。不知不見。正是入理。卽亦不分別也。問若以入理爲行。住忍辱地等。豈入理行耶。答。正是入理。謂無生地寂滅之忍爲所住處。柔和善順。卽柔順忍。而不卒暴。心亦不驚。卽音聲忍。三忍頓具。故爲入理。住忍辱地。卽如來衣。觀如實相。卽如來座。以此導悲。卽如來室。雖未入理下。亦生公之意。遠諸惡下。引經證。先證遠諸惡言及外道等。等取餘八總離十緣。一遠豪勢。謂國王等。爲損害緣。二不近邪人法。謂外道梵志等。爲惡見緣。三亦不親近諸有凶戲者。是壞亂緣。四又不親近栴陀羅等。卽

60123456789

80123456789

惡業緣。五不親近求聲聞等。卽離劣友緣。六。又文
殊師利等。不應於女人身取能生欲想相。而爲說
法等。卽長染緣。七。亦復不近五種不男之人。卽非
器緣。八。不獨入他家。卽譏訶緣。九。若爲女人說法
下。離非軌緣。天台云。八離冤害。九離譏嫌。十不樂
畜。年少弟子沙彌小兒等。卽散亂緣。上明不應親
近。下云常好坐禪下。明所應親近。上爲親近之始。
爲初親近處。次云復次菩薩摩訶薩觀一切法空
如實相等。卽第二親近處。爲親近之終。正明近理
以觀想未除。故名親近。二身口無過失者。經云若

口宣說。若讀經時不樂說人及經典過。長行多唯
辨口。偈中則說於身。以油塗身。澡浴塵穢。亦兼身
矣。三心無嫉妒者。經云於後末世法欲滅時。受持
讀誦斯經典者。無懷嫉妒詬訐之心等。四云於在
家出家人中生大慈心。於非菩薩人中生大悲心
等。廣如彼經。

疏然安樂者。畧有二意。一涅槃之果。名爲安樂。此
行能趣。卽安樂之行。二住此四行。則身靜神定。身
靜神定。則外苦不干。故稱安樂。又常見外道。因果
俱苦。斷見外道。因樂果苦。析法三乘。因苦果樂。唯

撰述

華嚴疏錄卷二十一

三

有菩薩因果俱樂故涅槃云。定苦行者謂諸凡夫。苦樂行者謂聲聞緣覺定樂行者謂諸佛菩薩。因果俱樂名安樂行。鈔然安樂下釋安樂行名。初釋以果名因。二因卽安樂亦生公意。又常見等。卽天台意。常見外道因果俱苦者。計我常故修於苦行。以期妙果。所修是邪。還招苦果。斷見外道不信。當報恣意行惡受五欲樂。當受苦果析法二乘。無常拙度加功苦到此名因苦。得入涅槃。故云果樂。菩薩如實巧度故爲因樂。證大菩提常涅槃樂。故涅槃下引證。卽二十七經。經云善男子。不見中道。

者。凡有三種。一定樂行。二定苦行。三苦樂行。一定樂行者。所謂菩薩憐愍一切諸衆生故。雖復處在阿鼻地獄。如三禪樂。二定苦行者。所謂凡夫。三苦樂行者。所謂聲聞緣覺。聲聞緣覺行於苦樂。作中道想。以是義故。雖有佛性而不能見。下經文廣。不正釋凡夫。而說道有三種。謂下中上下者。梵天無常謬見是常等。後說生死本際。凡有二種。一者無明。二者有愛。是二中間。卽有生老病死等者。是定苦行也。

是爲菩薩摩訶薩。以衆寶車。奉施現在一切諸佛。及

60 1 2 3 4 5 6 7 8 9

80

佛滅後所有塔廟。善根廻向爲令衆生得於如來究竟出離無碍乘故。

疏三結文中加及佛滅後所有塔廟。塔安舍利廟置佛像塔者。正云窣堵波。此云高顯。亦曰歸宗之所言。所有者不局佛塔故。長阿含說四種人應可起塔。一佛。二辟支佛。三阿羅漢。四輪王。十二因緣經云八種人應起塔。一佛。其露盤八層已上餘七謂菩薩緣覺四果輪王。次第減一層。輪王唯一層。見一層塔。不應禮拜。非聖人故。僧祇律說。凡僧亦許起塔。然不得安露盤令在屏處。謂一持律。二法師。三營事。四德望。今造塔者宜審此文。汎論起塔總有六意。一爲表人勝。二爲令生淨信。三令標心有在。四令供養生福。五爲報恩行畢。六生福滅罪。若造佛塔。近招梵福。遠脫生死。故無上依經供佛舍利。如芥子許。悉得究竟脫生死苦。鈔長阿含十二因緣經。僧祇律造塔事未檢。故無上依經者。經有兩卷。今當第一。因阿難隨佛乞食。見一新成樓閣。心念有人以此勝閣布施四方僧。并具四事。若如來滅後。取佛舍利如芥子大。安立塔中。起塔如阿摩羅子大。戴利如針大。露盤如棗葉大。造佛

撰述

華嚴疏錄卷二十六

三

如麥子大。此二功德何者爲勝。問佛。佛讚廣爲引喻較量。初舉滿闍浮提如稻麻竹葦四果及辟支佛。有人盡形四事供養滅後起大塔供養。佛問功德多不。阿難答多。次舉西瞿陀尼。次舉東弗婆提。次舉北鬱單越。皆量漸廣。供事如前。比所造閣。如帝釋所處。問於阿難。阿難皆答甚多。佛告阿難。若有善男子。善女人。佛涅槃後。取舍利如芥子大。造塔如阿摩羅子大。戴刹如針大。露盤如棗葉大。造佛如麥子大。此功德比前所說百分不及一千分。不及一億分。不及一乃至笑數譬喻所不能及。阿

難。若此功德不迴向阿耨多羅三藐三菩提。此功德聚所獲福報。盡娑婆世界微塵數作他化自在天王。化樂天王。兜率天王。夜摩天王。三十三天王。況復轉輪聖王。釋曰。據此但云福多。若加迴向。必至究竟。

佛子。菩薩摩訶薩以衆寶車施菩薩等善知識時。以諸善根。如是迴向。所謂願一切衆生心常憶持善知識。專勤守護。令不忘失。願一切衆生與善知識同一義利。普攝一切。與共善根。願一切衆生近善知識。尊重供養。悉捨所有。順可其心。願一切衆生得善志。

60 1 2 3 4 5 6 7 8 9

80

撰述

華嚴疏錄卷二十六

三

新

欲隨逐善友。未嘗捨離。願一切衆生。常得值遇諸善知識。專意承奉。不違其教。願一切衆生。樂善知識。常不捨離。無間無雜。亦無誤失。願一切衆生。能以其身施善知識。隨其教命。靡有違逆。願一切衆生。爲善知識之所攝受。修習大慈。遠離諸惡。願一切衆生。隨善知識。聽聞諸佛所說正法。願一切衆生。與善知識。同善根。清淨業果。與諸菩薩。同一行願。究竟十力。願一切衆生。悉能受持善知識法。逮得一切三昧境界。智慧神通。願一切衆生。悉能受持一切正法。修習諸行。到於彼岸。願一切衆生。乘於大乘。無所障礙。究竟智至一切處。

疏二施菩薩中。有二十願。前十約所施田。發相似願。後十約所施車。發相似願。並顯可知。

撰述

華嚴疏金卷二十一

古

續

是爲菩薩摩訶薩。施善知識種種車時。善根迴向爲令衆生功德具足與佛菩薩等無異故。

佛子。菩薩摩訶薩以衆寶車布施僧時。起學一切施心。智善了心淨功德心。隨順捨心。僧寶難遇心。深信僧寶心。攝持正教心。住勝志樂。得未曾有。爲大施會。出生無量廣大功德。深信佛教不可沮壞。

疏三施僧初施行中顯十施心。一財無不捨。田無所揀。二事可否受畜不淨。不應施故。三淨三輪故。四順檀行故。五因佛有僧。僧難遇故。六依僧知佛故。七依僧知教故。八應景慕。九不局一僧。十由

教說僧故

以諸善根如是迴向。所謂願一切衆生普入佛法憶持不忘願。一切衆生離凡愚法。入賢聖處。願一切衆生速入聖位。能以佛法次第開誘。願一切衆生舉世宗重言必信用。願一切衆生善入一切諸法平等。了知法界。自性無二。願一切衆生從於如來智境而生諸調順人。所共圍繞。願一切衆生住離染法。滅除一切煩惱塵垢。願一切衆生皆得成就無上僧寶。離凡夫地。入賢聖衆。願一切衆生勤修善法。得無碍智。具聖功德。願一切衆生得智慧心。不著三世。於諸衆中。

撰述

華嚴疏錄卷二十一

三

自在如王願一切衆生乘智慧乘轉正法輪願一切衆生具足神通一念能往不可說不可說世界願一切衆生乘虛空身於諸世間智慧無碍願一切衆生普入一切虛空法界諸佛衆會成就第一波羅蜜行願一切衆生得輕舉身殊勝智慧悉能徧入一切佛利願一切衆生獲無邊際善巧神足於一切利普現其身願一切衆生得於一切無所依身以神通力如影普現願一切衆生得不思議自在神力隨應可化卽現其前教化調伏願一切衆生得入法界無碍方便一念徧遊十方國土

疏二廻向行中有二十願亦前十約田後十約車其十三云乘虛空身者當其無有車之用故鈔當其無有車之用者卽老子道經云二十輻共一轂當其無有車之用注云此明無有功用相資而成又下結云有之以爲利無之以爲用意明假輶箱輪等以成於車車中不虛則無所用故約形質麤有之利以明妙無之用今借此語萬行緣成之乘其內無性卽中空矣若不涉有無以利物若不入空無以導行以有空義一切法得成故爲大用也

撰述

華嚴疏錄卷二十一

三

是爲菩薩摩訶薩施僧寶車。善根廻向爲令衆生普乘清淨無上智乘。於一切世間轉無碍法智慧輪故。佛子。菩薩摩訶薩以衆寶車布施聲聞獨覺之時。起如是心。所謂福田心。尊敬心。功德海心。能出生功德智慧心。從如來功德勢力所生心。百千億那由他劫修習心。能於不可說劫修菩薩行心。解脫一切魔繫縛心。摧滅一切魔軍衆心。慧光照了無上法心。

疏四施一乘中亦四初施行中。言如來勢力生者。設是獨覺亦由過去曾習佛法後道成無佛世故。六七翻彼三生百劫故。鈔翻三生百劫者。羅漢

三生修福緣覺百劫。今令百千億那由他劫修等故。

以此施車所有善根。如是廻向。所謂願一切衆生爲世所信第一福田。具足無上檀波羅蜜。願一切衆生離無益語。常樂獨處。心無二念願一切衆生成最第一清淨福田。攝諸衆生令修福業。願一切衆生成智慧淵。能與衆生無量無數善根果報。願一切衆生住無碍行。滿足清淨第一福田。願一切衆生住無諍法。了一切法皆無所作。無性爲性。願一切衆生常得親近最上福田。具足修成無量福德。願一切衆生能現

撰述

華嚴疏錄卷二十一

二

續

無量自在神通。以淨福田。攝諸含識。願一切衆生。具足無盡功德福田。能與衆生如來十力第一乘果。願一切衆生。爲能辦果真實福田。成一切智。無盡福聚。願一切衆生。得滅罪法。悉能受持所未曾聞佛法句義。願一切衆生。常勤聽受一切佛法。聞悉解悟。無空過者。願一切衆生。聽聞佛法。通達究竟。如其所聞。隨順演說。願一切衆生。於如來教信解修行。捨離一切九十六種外道邪見。願一切衆生。常見賢聖增長。一切最勝善根。願一切衆生。心常信樂智行之士。與諸聖哲同止共歡。願一切衆生。聽聞佛名。悉不唐捐。隨

其所聞。咸得目見。願一切衆生。善分別知諸佛正教。悉能守護持佛法者。願一切衆生。常樂聽聞一切佛法。受持讀誦。開示照了。願一切衆生。信解佛教。如實功德。悉捨所有恭敬供養。

疏二以此下廻向行中亦二十願多。翻劣顯勝。前十多翻緣覺。樂獨善寂等故。無諱有二。一人嫌我行。我則長立等。二觀緣無性。無乖違故。

疏後十翻聲聞一翻彼小乘。非究竟滅罪之法。彼犯律儀容可懾滅犯四重禁。爲不可救。大乘至教。無所不滅。佛名經說。一聞佛名。滅無量劫生死重

撰述

華嚴疏錄卷二十一

續

罪。涅槃第十二云。若犯四禁及五逆罪。若爲邪鬼毒惡所持。聞是經典所有諸惡悉皆消滅。又云犯四重禁不還生者。無有是處。如是等文。處處皆有。犯重得佛聞。大經力故。二聲聞雖從佛聞。未悟深理。故三不能廣傳故。四望於大乘。猶是邪故。所以諸處多說九十五種別有九十五種外道邪論經。今言九十六者。自有二義。一依薩婆多律說。外道六師各有十六種所學法。一法自學。餘十五種。各教十五弟子。師徒合論。有九十六。二者外道有二。一外外道。卽佛法外。二內外道。此復三種。一附佛法。

外道起自犢子方廣。自以聰明讀佛經書。而生一見附佛法起。故得此名。犢子讀舍利弗毘曇。自別制義。言我在四句外。第五不可說。藏中佛說。此人不異外道。諸論皆推不受。名外道也。又方廣道人。自以聰明。讀佛十喻。自作義云。不生不滅。如幻如化。空幻爲宗。龍樹斥言。此非佛法。方廣所作。亦邪人法也。二學佛法成外道。謂執佛教門。而生煩惱。不得入理。故智論云。若不得般若意。入阿毘曇。卽墜有中等。三以大斥小。故七卷楞伽第一云。大慧云。何爲外道。惡見。謂不知境界。自心分別現。於第

撰述

華嚴疏錄卷二十六

卅

續

一義見有見無而起言說。又第二云復有說言見一切法因作者有此是涅槃大慧彼無解脫以未能見法無我故此是聲聞及外道種性於未出生出離想應勤修習捨此惡見故諸大乘訶彼二乘同於外道非奪方便之意今合後三總爲一類成九十六依此義故發願永離七中得目見者非聞見故餘可例知鈔涅槃等者明經法資人除惑有十復次今是其一經云若比丘比丘尼優婆塞優婆夷及諸外道有能受持如是經典讀誦通利復爲他人分別演說若自書寫令他書寫斯等

皆是菩提因緣若犯四禁及五逆罪若爲邪鬼毒惡所持聞是經典所有諸惡悉得除滅如見良醫惡鬼遠去當知是人是真菩薩摩訶薩也何以故暫得聞是大涅槃故亦以生念如來常故若暫聞者尚得如是何況書寫受持讀誦釋曰是則疏但舉中又云犯四重者卽第五經云又解脫者名爲虛寂無有不定有不定者如一闡提究竟不移犯重禁者不成佛道無有是處何以故是人若於佛正法中心得淨信爾時卽便減一闡提若復得作優婆塞者亦得斷滅於一闡提犯重禁者減此罪

已。則得成佛。若言畢竟不成佛道。無有是處。如是等文者。第六又云。是大涅槃微妙經典。不可消伏。甚奇甚特。若有聞者。聞已信受。能信如來是常住法。如是之人。甚爲希有。如優曇華。我涅槃後。若有得聞。如是大乘微妙經典。生敬信心。當知是等。於未來世。百千億劫。不墮惡道。第九經初。又云。譬如日出。衆霧悉除。此大涅槃微妙經典。亦復如是。出興於世。若有衆生。一經於耳。悉能滅除一切諸惡。無間罪業。其餘大乘文。亦廣多。二學佛法成外道。若不得般若意。入阿毘曇。則滯有故。故七卷楞伽。

者。七卷卽實叉難陀三藏所譯。然十卷文廣四卷。文慳。七卷處中。而文又潤。疏所引經。具足經文。引意明。此呼二乘以爲外道。何以得知是二乘耶。以此前有經云。大慧。此是過去未來現在一切如來應正等覺。覺法自性第一義心。以此心成就如來世出世間最上之法。以聖慧眼。入自共相。種種安立。其所安立。不與外道惡見共故。次卽是疏所引之文。謂前是佛法。言不與外道共。早兼二乘。况出相。不知境界。自心分別等。卽二乘見。又四卷云。大慧。云何外道論惡見共。所謂自境界。妄想見。不覺。

撰述

華嚴疏錄卷二十六

三

系

識自心。所現分齊大通。大慧愚痴凡夫性無性。自性第一義作二見論。釋曰。此則皆一乘見。故同外道。又第二云者。亦彼七卷經外道二乘同義更顯。疏所引經一字無闕。以斯二段明呵二乘同外道也。出相下疑有脫文。

是爲菩薩摩訶薩施聲聞獨覺種種車。時善根廻向爲令衆生皆得成就清淨第一智慧神通精進修行無有懈怠獲一切智力無畏故。

佛子。菩薩摩訶薩以衆寶車施諸福田。乃至貧窮孤獨者時。隨其所求。一切悉捨心生歡喜。無有厭倦。仍

向彼人。自悔責言。我應往就。供養供給不應勞汝遠來。疲頓言已。拜跪問訊起居。凡有所湏。一切施與。或時施彼摩尼寶車。以闇浮提第一女寶。充滿其上。或復施與金莊嚴車。人間女寶。充滿其上。或復施與妙琉璃車。內宮妓女。充滿其上。或施種種奇妙寶車。童女充滿。如天妓女。或施無數寶莊嚴車。寶女滿中。柔明辯慧。或施所乘妙旃檀車。或復施與玻瓈寶車。悉載寶女。充滿其上。顏容端正。色相無比。袞服莊嚴。見者欣悅。或復施與碼碯寶車。灌頂王子。身載其上。或時施與堅固香車。所有男女。悉載其中。或施一切寶

莊嚴車。載以難捨親善眷屬。佛子。菩薩摩訶薩。以如是等無量寶車。隨其所求。恭敬施與。皆令遂願歡喜滿足。

疏五施諸田。初施行中。有悲境故。加以拜跪等言。以有劣田。重舉妙物。最下乞人等如來故。言玄服者。大盛玄黃之服也。

以此善根如是廻向。所謂願一切衆生。乘不退轉無障礙輪廣大之乘。詣不可思議菩提樹下。願一切衆生乘清淨因大法智乘。盡未來劫修菩薩行。永不退轉。願一切衆生。乘一切法無所有乘。永離一切分別執著。而常修習一切智道。願一切衆生。乘無諂詭正直之乘。往諸佛刹。自在無碍。願一切衆生。隨順安住一切智乘。以諸佛法。共相娛樂。願一切衆生。皆乘菩薩清淨行乘。具足菩薩十出離道。及三昧樂。願一切衆生。乘四輪乘。所謂住好國土。依止善人。集勝福德。發大誓願。以此成滿一切菩薩清淨梵行。願一切衆生。得普照十方法光明乘。修學一切如來智力。願一切衆生。乘佛法乘。到一切法究竟彼岸。願一切衆生。載衆福善。難思法乘。普示十方安隱正道。願一切衆生。乘大施乘。捨慳惜垢。願一切衆生。乘淨戒乘。持等

撰述

華嚴疏錄卷二十一

三

法界無邊淨戒。願一切衆生乘忍辱乘。常於衆生離
瞋濁心。願一切衆生乘大精進不退轉乘。堅修勝行。
趣菩提道。願一切衆生乘禪定乘。速至道場。證菩提
智。願一切衆生乘於智慧巧方便乘。化身充滿一切
法界諸佛境界。願一切衆生乘法王乘。成就無畏。恒
普惠施一切智法。願一切衆生乘無所著智慧之乘。
悉能徧入一切十方。於真法性而無所動。願一切衆
生乘於一切諸佛法乘。示現受生徧十方利。而不失
壞大乘之道。願一切衆生乘一切智最上寶乘。滿足
普賢菩薩行願。而無厭倦。

疏二以此下廻向行亦二十願施由非一故但就
車發相似願其中亦兼所施女等可以意得

疏六云十出離道者即是十地以十度行出十重
障離十窓故

疏七乘四輪乘者文中自列然莊嚴論第六名四
種不放逸輪先辨相者各具五種因緣一住好
國土輪者彼名勝土輪言五緣者一者易求謂四
事易故二善護王如法故三善地處調和故四善
伴同戒見故五善寂無喧聲故鈔莊嚴論第六
名四種不放逸輪者一勝土輪二善人輪三自正

撰述

華嚴疏錄卷二十一

三

輪四先福輪下疏依此論以釋其相經住好國土者論有偈云。易求及善護善地亦善伴。善寂此勝土。菩薩卽往生。今疏卽長行。釋但小畧耳。具云一者易求。謂四事供身不難得故。二善護國王。如諸惡人盜賊不得住故。三善地處所調和無疾厲故。四善伴同見同戒爲伴侶故。五善寂謂盡日無喧雜聲故。

疏二依止善人輪五緣者。一多聞。二見諦。三巧說。四憐憫不貪利故。五不退無疲倦故。鈔經依止善人偈云。多聞及見諦。巧說亦憐愍不退此丈夫。

菩薩勝依止下釋卽論前三易故不釋。論具云。一多聞成就阿含故。二見諦得聖果故。三巧說分別法故。四憐憫不貪利故。五不退無疲倦故。

疏三集勝福德輪者。彼當第四名先福輪。一可樂由住勝世爲因故。二無難由值善人爲因故。三無病。四三昧。五智慧。此三以自正輪爲因。鈔經三集勝福德偈云。可樂及無難。無病與寂靜。觀察此五種宿植善根故。釋云。一可樂二無難三無病。四三昧。五智慧。第一事由住勝土爲因。第二事由值善人爲因。後三事由自正成就爲因。釋曰。疏中將

後出因。便間名釋之。

疏四發大誓願。彼當第三名自正輪。故成實論。名自發正願輪。一善緣妙法爲緣故。二善聚。具福智故。三善修。止觀諸行相應修故。四善說。無求利故。五善出。所有上法。恭順修故。鈔經四發大誓願下。彼當第三偈云。善緣及善聚。善修及善說。善出此五種。是名自正勝。彼釋云。一者善緣。妙法爲緣。故下四多同一兩字異。二者善聚。福智具足故。三者善修。止觀諸行相應時修故。四者全同。五順字是敬字耳。上云成實論。名自發正願者。論第二十四。

法品云。又經中說人天四輪能增善法。一住善處。二依善人。三自發正願。四宿植善根。次卽明推八難。次下當知。

疏然前二就果立稱。後二從因立名。雖俱通因果影畧互顯。前二外緣。後二內因。願是智因。福是福因。

疏此四何因受輪之稱。依成實論以四輪能推八難故。謂初住善處能除五難。卽三塗北洲及長壽天。次依善人除佛前後難。三發大誓願除世智辨聰。四宿植善根除生盲聾瘡。前五是惡處。六是惡

撰述

華嚴疏鑑卷二十六

三

時七是惡因。八是惡果。已知四輪。云何總名爲乘。
 瑜伽論說。住好國土。謂得人天身。出諸難處。以爲
 車體。二由集勝福。諸根完具。如車轂。軸。釤。可施
 脂膏。三發大願。如良牛引重致遠。四依善人。謂佛
 菩薩。如善御者。由具此四。成大涅槃。故云成滿一
 切清淨梵行。因圓必至果也。若依此經。國土卽十
 國土海。善人卽十身如來。勝福卽性起功德。大願
 卽普賢願海。共成無盡大法界緣起車也。餘並可
 知。

鈔三得名二。先明得輸名。卽成實論文。

是爲菩薩摩訶薩。以衆寶車施諸福田。乃至貧窮孤

露之人。善根廻向。爲令衆生具無量智。歡喜踊躍。究
 竟皆得一切智乘故。

佛子。菩薩摩訶薩。布施象寶。其性調順。七支具足。年
 齒盛壯。六牙清淨。口色紅赤。猶如蓮華。形體鮮白。譬
 如雪山。金幢爲飾。寶網羅覆。種種妙寶。莊嚴其真。見
 者欣玩。無有厭足。超步萬里。曾不疲倦。或復施與調
 良馬寶。諸相具足。猶如天馬。妙寶月輪。以爲光飾。真
 金鈴網。羅覆其上。行步平正。乘者安隱。隨意所往。迅
 疾如風。遊歷四洲。自在無碍。菩薩以此象寶馬寶。或
 奉養父母。及善知識。或給施貧乏。苦惱衆生。其心曠

撰述

華嚴疏錄卷二十一

三

科

然不生悔悟。但倍增欣慶。益加悲愍。修菩薩德。淨菩薩心。

以此善根如是迴向。所謂願一切衆生住調順乘。增長一切菩薩功德。願一切衆生得善巧乘。能隨出生一切佛法。願一切衆生得信解乘。普照如來無碍智力。願一切衆生得發趣乘。能普發興一切大願。願一切衆生具足平等波羅蜜乘。成滿一切平等善根。願一切衆生成就寶乘。生諸佛法無上智寶。願一切衆生成就菩薩行莊嚴乘。開敷菩薩諸三昧華。願一切衆生得無邊速疾乘。於無數劫淨菩薩心精勤思惟。衆生得無邊速疾乘。於無數劫淨菩薩心精勤思惟。

了達諸法。願一切衆生成就最勝調順大乘。以善方便具菩薩地。願一切衆生乘最高廣堅固大乘。普能運載一切衆生皆得至於一切智位。

疏十七施象馬二事。各有十願。一如性調順二。如隨意所住。三似彼盛壯。四如超步萬里。五猶行步平正。六如彼象寶。七似彼如華。八卽迅疾如風。九上云調順通顯增於功德。今云具菩薩地名最勝。調象馬各有調義。故分二願。十似彼上立金幢。是爲菩薩摩訶薩施象馬時善根迴向。爲令衆生皆得乘於無碍智乘圓滿究竟至佛乘故。

撰述

華嚴疏錄卷二十一

三

續

佛子。菩薩摩訶薩。布施座時。或施所處師子之座。其座高廣殊妙。好瑠璃爲足。金縷所成柔軟衣服以敷其上。建以寶幢。熏諸妙香。無量雜寶莊嚴之具。以爲莊校。金網覆上。寶鐸風搖出妙音聲。奇珍萬計。周匝填飾。一切臣民。所共瞻仰。灌頂大王。獨居其上。宣布法化。萬邦遵奉。其王復以妙寶嚴身。所謂普光明寶。帝青寶。大帝青寶。勝藏摩尼寶。明淨如日。清涼猶月。周匝繁布。譬如衆星。上妙莊嚴。第一無比。海殊妙寶。海堅固幢寶。奇文異表。種種莊嚴。於大衆中。最尊最勝。闍浮檀金離垢寶縉。以冠其首。享灌頂位。王闍

浮提。真足無量大威德力。以慈爲主。伏諸怨敵。教令所行。靡不承順。時轉輪王。以如是等百千萬億無量無數寶莊嚴座。施於如來第一福田。及諸菩薩。真善知識。賢聖僧寶。說法之師。父母宗親。聲聞獨覺。及以發趣菩薩乘者。或如來塔。乃至一切貧窮孤露。隨其所湏。悉皆施與。

以此善根。如是廻向。所謂願一切衆生。坐菩提座。悉能覺悟。諸佛正法。願一切衆生。處自在座。得法自在。諸金剛山。所不能壞。能悉摧伏一切魔軍。願一切衆生。得佛自在師子之座。一切衆生之所瞻仰。願一切

衆生得不可說不可說種種殊妙寶莊嚴座。於法自在化導衆生願一切衆生得三種世間最殊勝座。廣大善根之所嚴飾願一切衆生得周徧不可說不可說世界座。阿僧祇劫歎之無盡願一切衆生得大深密福德之座。其身充滿一切法界願一切衆生得不可思議種種寶座隨其本願所念衆生廣開法施願一切衆生得善妙座現不可說諸佛神通願一切衆生得一切寶座一切香座一切華座一切衣座一切鬘座一切摩尼座一切瑠璃等不思議種種寶座無量不可說世界座一切世間莊嚴清淨座一切金剛座示現如來威德自在成最正覺。

疏十八施座廻向中言三種世間義如常釋辨法師云地前爲願樂世間初地至七地名功用世間八至等覺名無功用世間有云西域相傳衆生界中有三世間一地下世間龍修羅等二人中世間三天上世間若依智論三世間者卽衆生五蘊及器爲三於彼顯勝義皆無失餘並可知是爲菩薩摩訶薩施寶座時善根廻向爲令衆生獲離世間大菩提座自然覺悟一切佛法故。

佛子菩薩摩訶薩施諸寶蓋此蓋殊特尊貴所用種

60 1 2 3 4 5 6 7 8 9

10

80

1 2 3 4 5 6 7 8 9

種大寶而爲莊嚴。百千億那由他上妙蓋中。最爲第一。衆寶爲竿。妙網覆上。寶繩金鈴周而垂下。摩尼瓔珞。次第懸布。微風吹動。妙音克諧。珠玉寶藏。種種充滿。無量奇珍。悉以嚴飾。栴檀沉水。妙香普熏。闇浮檀金。光明清淨。如是無量百千億那由他阿僧祇衆妙寶物。具足莊嚴。以清淨心奉施於佛。及佛滅後所有塔廟。或爲法故。施諸菩薩及善知識。名聞法師。或施父母。或施僧寶。或復奉施一切佛法。或施種種衆生福田。或施師僧。及諸尊宿。或施初發菩提之心。乃至一切貧窮孤露。隨有求者。悉皆施與。

疏十九施蓋中本行經說。編草爲蓋。七寶蓋隨。況衆寶嚴功報何極。鈔本行經者。賢愚經第八說。過去有王。名爲金剛。夫人有胎。身上恒有七寶大蓋。及生太子。身紫金色。相好具足。蓋在其上。名蓋事王。七寶自至。王四天下。卽是佛身。佛言阿難。因過去久遠仙人山。有辟支佛涅槃後。有長者起塔。以蓋蓋其上。故獲斯報。

以此善根。如是廻向。所謂願一切衆生勤修善根。以覆其身。常爲諸佛之所庇廕。願一切衆生功德智慧。以爲其益。永離世間一切煩惱。願一切衆生。覆以善

撰述

華嚴疏錄卷二十一

三

法除滅世間塵垢熱惱。願一切衆生得智慧藏。令衆樂見心無厭足。願一切衆生以寂靜白法而自覆蔭。皆得究竟不壞佛法。願一切衆生善覆其身。究竟如來清淨法身。願一切衆生作周徧蓋十力智慧徧覆世間。願一切衆生得妙智慧出過三世無所染著。願一切衆生得應供蓋成勝福田受一切供願。一切衆生得最上蓋獲無上智自然覺悟。是爲菩薩摩訶薩布施蓋時善根廻向。

爲令一切衆生得自在蓋能持一切諸善法故。爲令一切衆生能以一蓋普覆一切虛空法界。一切利土。

示現諸佛自在神通無退轉故。爲令一切衆生能以一蓋莊嚴十方一切世界供養佛故。爲令一切衆生以妙幢旛及諸寶蓋供養一切諸如來故。爲令一切衆生得普莊嚴蓋徧覆一切諸佛國土盡無餘故。爲令一切衆生得廣大蓋普蓋衆生皆令於佛生信解故。爲令一切衆生以不可說衆妙寶蓋供養一佛於不可說一一佛所皆如是故。爲令一切衆生得佛菩提高廣之蓋。普覆一切諸如來故。爲令一切衆生得一切摩尼寶莊嚴蓋。一切寶瓔珞莊嚴蓋。一切堅固香莊嚴蓋種種寶清淨莊嚴蓋無量寶清淨莊嚴蓋。

撰述

華嚴正錄卷二十六

三

廣大寶清淨莊嚴益寶網彌覆寶鈴垂下隨風搖動出微妙音普覆法界虛空界一切世界諸佛身故爲令一切衆生得無障無碍智莊嚴益普覆一切諸如來故又欲令一切衆生得第一智慧故又欲令一切衆生得佛功德莊嚴故又欲令一切衆生得佛功德生清淨欲願心故又欲令一切衆生得無量無邊自在心寶故又欲令一切衆生滿足諸法自在智故又欲令一切衆生以諸善根普覆一切故又欲令一切衆生成就最勝智慧益故又欲令一切衆生成就十力普偏蓋故又欲令一切衆生能以一益彌覆法界

諸佛利故又欲令一切衆生於法自在爲法王故又欲令一切衆生得大威德自在心故又欲令一切衆生得廣大智恒無絕故又欲令一切衆生得無量功德普覆一切皆究竟故又欲令一切衆生以諸功德蓋其心故又欲令一切衆生以平等心覆衆生故又欲令一切衆生得大智慧平等蓋故又欲令一切衆生具大廻向巧方便故又欲令一切衆生獲勝欲樂清淨心故又欲令一切衆生得善欲樂清淨意故又欲令一切衆生得大廻向普覆一切諸衆生故

疏四所爲中有十爲令二十又欲皆令衆生因圓

撰述

華嚴疏錄卷二十一

三

三

果滿觸理皆益方顯菩薩悲智深妙可謂隨順一切善根並可虛求法門浩大不可具釋

佛子菩薩摩訶薩或施種種上妙幢旛衆寶爲竿寶繒爲旛種種雜綵以爲其幢寶網垂覆光色徧滿寶鐸微搖音節相和奇特妙寶形如半月闇浮檀金光踰駁日悉置幢上隨諸世界業果所現種種妙物以爲嚴飾如是無數千萬億那由他諸妙幢旛接影連輝遙相間發光明嚴潔周徧大地充滿十方虛空法界一切佛刹菩薩摩訶薩淨心信解以如是等無量幢幡或施現在一切諸佛及佛滅後所有塔廟或施

法寶或施僧寶或施菩薩諸善知識或施聲聞及辟支佛或施大衆或施別人諸來求者普皆施與以此善根如是廻向所謂願一切衆生皆能建立一切善根福德幢旛不可毀壞願一切衆生建一切法自在幢旛尊重慶樂勤加守護願一切衆生常以寶繒書寫正法護持諸佛菩薩法藏願一切衆生建高顯幢然智慧燈普照世間願一切衆生立堅固幢悉能摧殄一切魔業願一切衆生建智力幢一切諸魔所不能壞願一切衆生得大智慧那羅延幢摧滅一切世間慢幢願一切衆生得智慧日大光明幢以智

撰述

華嚴疏錄卷二十一

三

日光普照法界願一切衆生具足無量寶莊嚴幢充滿十方一切世界供養諸佛願一切衆生得如來幢推滅一切九十六種外道邪見。

疏二十幢幡二事合一廻向十中初二幢幡合願一建善翻惡二重法翻慢次一唯就幡幡書字故後七皆就幢辨。

是爲菩薩摩訶薩施幢幡時善根廻向爲令一切衆生得甚深高廣菩薩行幢及諸菩薩神通行幢清淨道故。

佛子菩薩摩訶薩開衆寶藏以百千億那由他諸妙

珍寶給施無數一切衆生隨意與之心無惜捨以諸善根如是廻向所謂願一切衆生常見佛寶捨離愚痴修行正念願一切衆生皆得具足法寶光明護持一切諸佛法藏願一切衆生能悉攝受一切僧寶周給供養恒無厭足願一切衆生得一切智無上心寶淨菩提心無有退轉願一切衆生得智慧寶普入諸法心無疑惑願一切衆生具足菩薩諸功德寶開示演說無量智慧願一切衆生得於無量妙功德寶修成正覺十力智慧願一切衆生得妙三昧十六智寶究竟成滿廣大智慧願一切衆生成就第一福

撰述

華嚴疏錄卷二十一

三

釋

田之寶悟入如來無上智慧願一切衆生得成第一無上寶王以無盡辯開演諸法。

疏二十一開藏施寶迴向行中言十六智寶者辨法師云地前明得明增印順無間等四定地上光明集福德王賢首健行等四定此八各有自分勝進依此發智爲十六智寶有云佛地四智智各有四故爲十六以果位自在至融通故鈔地上光明集福德王賢首等如出現品四智之義亦具上文智各有四如出現品。

疏今依賢首即是八忍八智然此有二一依觀能

所取以立十六一苦法智忍觀三界苦真如正斷三界見苦所斷分別隨眠二苦法智謂忍無間觀前真如證前所斷煩惱解脫三苦類智忍謂智無無間無漏慧生於法忍智各別內證言後聖法皆是此類四苦類智謂此無間無漏智生審定印可苦類智忍前二觀如後二觀智苦下有四三諦亦然爲十六智鈔今依賢首者且依唯識釋之卽論釋相見道中緣安立諦有十六心見道一苦法智忍者苦卽苦諦法者卽彼能詮之教智者所謂加行道中緣苦法智忍者無漏忍忍前苦法智也

撰述

聖嚴疏金卷二十一

三

此苦法智忍觀苦下如能斷三界見道二十八種分別隨眠謂欲苦有十上二界苦各九以除瞋故三界合有二十八也。二苦法智者法謂苦如能緣苦如之智名苦法智三苦類智忍者謂苦法智無間無漏慧生等意云此第三心於一剎那各別內證法忍法智謂二心後乃至無學一切聖法從此二心彼得生故故云皆是此類四苦類智者此智但緣第三苦類智忍故雜集云於苦類智忍內證印可故名苦類智前二等者謂法忍法智觀如類忍類智觀智。

疏二者依觀上下諦境別立謂觀欲苦有法忍法智初卽無間道後卽解脫道次觀上二界苦爲類忍類智類同欲故如苦既然餘二亦爾爲十六智廣如唯識雜集第九所明鈔二者依觀者論云二者依觀上下諦境別立法類十六種心謂觀現前不現前界苦等四諦各有二心一現觀忍二現觀智釋曰欲界名下是現前界色無色名上是不現前界十六心者謂觀欲界四諦別立法忍法智八種依觀上二界四諦別立法類忍類智八種然論但舉欲界苦諦以爲法也一現觀忍是無間道二

撰述

華嚴疏金卷二十六

三

卷

現觀智。是解脫道餘可準知。如其所應法真見道無間解脫見分觀諦斷見所斷百一十二分別隨眠名相見道釋曰今疏已畧配而不法自證者彼疏云以於前十六心後而作此觀觀漸寃故今謂觀智卽法自證旣不觀智故不法耳。一百一十二者欲界四諦四十上二界四諦各除瞋故八諦減八故百一十二餘可知如嘗旣然下類釋餘三二諦有四故有十六皆斷二十八分別隨眠然是取意具足論云如於苦諦有四種心集滅道諦應知亦爾此十六心八觀真如八觀正智可知法真見

道無間解脫見自證分差別建立名相見道釋曰謂法忍法真無間道見分法智法真解脫道見分類忍法無間之自證分類智法解脫之自證分印前智故差別立也

疏第十願言無上寶王者佛爲法寶之主故。

是爲菩薩摩訶薩施衆寶時善根迴向爲令一切衆生皆得成滿第一智寶如來無碍淨眼寶故佛子菩薩摩訶薩或以種種妙莊嚴具而爲布施所謂一切身莊嚴具令身淨妙靡不稱可菩薩摩訶薩等觀一切世間衆生猶如一子欲令皆得身淨莊嚴

撰述

聖賢正錄卷二十六

三

成就世間最上安樂。佛智慧樂。安住佛法利益衆生。以如是等百千億那由他種種殊妙寶莊嚴具。勤行布施。

行布施時。以諸善根如是廻向。所謂願一切衆生成就無上妙莊嚴具。以諸清淨功德智慧莊嚴人天。願一切衆生得清淨莊嚴相。以淨福德莊嚴其身。願一切衆生得上妙莊嚴相。以百福相莊嚴其身。願一切衆生得不雜亂莊嚴相。以一切相莊嚴其身。願一切衆生得善淨語言莊嚴相。具足種種無盡辯才。願一切衆生得一切功德聲莊嚴相。其音清淨。聞者喜悅。莊嚴其心。

願一切衆生得可愛樂諸佛語言莊嚴相。令諸衆生聞法歡喜。修清淨行。願一切衆生得心莊嚴相。入深禪定。普見諸佛。願一切衆生得總持莊嚴相。照明一切諸佛正法。願一切衆生得智慧莊嚴相。以佛智慧莊嚴其心。

疏二十二施莊嚴具中十願。初一利他。後九自利。於中初三約身。次三約語。後三約意。其中言百福相。前文已引涅槃二十四說。依瑜伽五十三名。百福行故論云。復由百行所攝律儀。謂少分離殺。乃至邪見爲一十一。多分離殺等。二全分離。四少時

撰述

華嚴疏錄卷二十六

三

三

離。五多時離。六盡壽離。七自離。八教人離。九以無量門稱揚讚述離。十見離殺等。深心慶悅。生大歡喜。十門各十。總說爲百行。所生福量亦爾。此且就同教三十二相化身而說。若依此經十身相海。隨一一相。無盡因成故。上普興雲幢主水神偈云。清淨慈門利塵數。共生如來一妙相等故。餘可知。

鈔依瑜伽五十三百福行。卽決擇分中。文相甚顯。少分者。經部許有分受。或多或少或全。由彼根性有劣中上差別。及時有多時少時等。少時從一日至十日。多時謂一年已去未至。命終時耳。然其十種分

爲四類。初三十據事以分。次三十依時有別。次之二十。約自他明。後之二十。依讚說立。正約行時。名爲百行。約所生福則爲百福。若就十惡名爲百非。此且就同教者。第一會中已廣分別。卽師子吼品二十八經南本二十六。

是爲菩薩摩訶薩。惠施一切莊嚴具時善根廻向。爲令衆生具足一切無量佛法功德智慧圓滿莊嚴永離一切憍慢放逸故。

佛子。菩薩摩訶薩。以受灌頂自在王位。摩尼寶冠。及髻中珠。普施衆生。心無憚惜。常勤修習。爲大施主。修

60 1 2 3 4 5 6 7 8 9

10

80

1 2 3 4 5 6 7 8 9

撰述

華嚴疏錄卷二十一

四

釋

學施慧。增長捨根。智慧善巧。其心廣大。給施一切。
以彼善根如是廻向。所謂願一切衆生得諸佛法之
所灌頂。成一切智。願一切衆生具足頂髻。得第一智。
到於彼岸。願一切衆生以妙智寶普攝衆生。皆令究
竟功德之頂。願一切衆生皆得成就智慧寶頂。堪受
世間之所禮敬。願一切衆生以智慧冠莊嚴其首。爲
一切法自在之王。願一切衆生智慧明珠繫其頂上。
一切世間無能見者。願一切衆生悉堪受世間頂
禮。成就慧頂。照明佛法。願一切衆生首冠十力莊嚴
之冠。智慧寶海清淨具足。願一切衆生至大地頂。得

一切智。究竟十力。破欲界頂。諸魔眷屬。願諸衆生得
成第一無上頂王。獲一切智光明之頂。無能映奪。

疏二十三施寶冠及髻珠。二事合一廻向。六智慧
明珠等者。體圓德備。鑒徹惑亡。爲智明珠。極果所
宗。故名頂上。是祕是妙。無能見者。亦以權隱實名
在髻中。開權顯實。故名解髻文。無解義。因便故來。
若不明解。佛有祕藏前後可知。鈔體圓德備等
者。釋智明珠此有二意。一直就智上體圓者。顯是
圓智。卽智性也。德備者。能成一切衆德。故卽是智
相。鑒徹卽明照無遺。惑亡卽所知廓盡。畧舉珠之

撰述

華嚴疏錄卷第十一

三

卷

四德。一融於理智爲涅槃三德。一體圓卽法身。二鑒徹卽般若。三惑亡爲解脫。德備通於三德。亦別屬法身。具足三德方名圓智。亦以權隱實者。上直就佛智以明。今就法華經意。兼彰於教。以權隱覆實理。卽昔開三三。卽爲髻隱。一乘旨從開權下。卽會三歸一。文無已下。成上開義。後若不明解下。出因便明之義。所以反顯佛無祕藏。故涅槃說。如來但有密語。而無密藏。如秋月十五日。欲令同見。豈有祕藏。衆生不了。謂之爲密。上言如來有祕密藏者。約下位不測耳。有約法體無約佛心。佛心無惱。

故

是爲菩薩摩訶薩施寶冠時。善根迴向爲令衆生得第一智最清淨處。智慧摩尼妙寶冠故。
佛子。菩薩摩訶薩見有衆生處在牢獄黑暗之處。杻械枷鎖檢繫其身。起坐不安。衆苦競集。無有親識。無歸無救。裸露饑羸。酸劇難忍。菩薩見已。捨其所有。一切財寶妻子眷屬。及以自身。於牢獄中。救彼衆生。如大悲菩薩妙眼王。菩薩旣救度已。隨其所湏。普皆給施。除其苦患。令得安隱。然後施以無上法寶。令捨放逸。安住善根。於佛教中。心無退轉。

撰述

華嚴疏錄卷二十六

三

釋

疏二十四施妻子等救獄囚者上來皆明外施此下二段明無畏施初一兼於內外之財內財爲難故佛本行經說昔五百長者子各捨珍寶等施有一貧人問求何願云欲求佛道自念貧無以蜜塗身塚間而捨天帝試之心安不動知求佛果而稱讚之汝此勇猛過彼五百菩薩所施百千億倍當先作佛彼貧人者卽我身是故知難中之難施行有三初覩境興悲二如大悲下指同先例大悲卽其觀自在也以其偏主此門故下文引例皆準此知後旣救度下施以財法廻向行十願準思易了。

鈔故佛本行經等者具足經云過去有五百長者子各出珍寶象馬車乘衣服飲食隨求悉與有一貧人見而問之曰汝等施福求何等耶答欲求佛道又問何謂佛道答中廣歎佛德貧人聞已自念我今欲習學此願度一切復念貧窮無財行施當持己身而用惠施念已索蜜徧塗其身臥於塚間我今以身施與一切若有湏血肉頭目髓腦悉以與之持是功德用求佛道廣度一切作是願已應時三千大千世界而大震動諸天惶惶帝釋天眼見於菩薩臥於塚間以身布施下來欲試化作衆

60 1 2 3 4 5 6 7 8 9

10

80

1 2 3 4 5 6 7 8 9

撰述

華嚴疏錄卷二十六

聖

釋

狗鳥獸欲食菩薩見有欲來噉身心便歡喜無有退轉傾動之意天帝復形讚問所求爲求輪王帝釋梵王答云不爾唯求佛道廣度衆生帝釋諸天同讚善哉語菩薩言汝此勇猛過彼五百菩薩所施百千萬億不可計倍當先作佛時貧人者今我身是五百長者子者今此彌勒五百菩薩是也我以精進勇猛力故超諸菩薩所作功德而先成佛佛子菩薩摩訶薩於牢獄中救衆生時以諸善根如是廻向所謂願一切衆生究竟解脫貪愛纏縛願一切衆生斷生死流升智慧岸願一切衆生除滅愚痴生長智慧解脫一切煩惱纏縛願一切衆生滅三界縛得一切智究竟出離願一切衆生永斷一切煩惱結縛到無煩惱無障礙地智慧彼岸願一切衆生離諸動念思惟分別入於平等不動智地願一切衆生脫諸欲縛永離世間一切貪欲於三界中無所染著願一切衆生得勝志樂常蒙諸佛爲說法門願一切衆生得無著無縛解脫心廣大如法界究竟如虛空願一切衆生得菩薩神通一切世界調伏衆生令離世間住於大乘是爲菩薩摩訶薩救度牢獄苦衆生時善根廻向爲令衆生普入如來智慧地故

60 1 2 3 4 5 6 7 8 9

10

80

1

2

3

4

5

6

7

8

9

撰述

聖經正義卷之二十一

三

佛子。菩薩摩訶薩見有獄囚五處被縛受諸苦毒。防衛驅逼將之死地欲斷其命捨閻浮提一切樂具親戚朋友悉將永訣置高磚上以刀屠割或用木檜豎貫其體衣纏油沃以火焚燒如是等苦種種逼迫菩薩見已自捨其身而代受之如阿逸多菩薩殊勝行王菩薩及餘無量諸大菩薩爲衆生故自捨身命受諸苦毒菩薩爾時語主者言我願捨身以代彼命如此等苦可以與我如治彼人隨意皆作設過彼苦阿僧祇倍我亦當受令其解脫我若見彼將被殺害不捨身命救贖其苦則不名爲住菩薩心何以故我爲

救護一切衆生發一切智菩提心故

佛子。菩薩摩訶薩自捨身命救衆生時以諸善根如是廻向所謂願一切衆生得無斷盡究竟身命永離一切災橫逼惱願一切衆生依諸佛住受一切智具足十力菩提記別願一切衆生普救含識令無怖畏永出惡道願一切衆生得一切命入於不死智慧境界願一切衆生永離怨敵無諸厄難常爲諸佛善友所攝願一切衆生捨離一切刀劍兵仗諸惡苦具修行種種清淨善業願一切衆生離諸怖畏菩提樹下摧伏魔軍願一切衆生離大衆怖於無上法心淨無

畏能爲最上大師子吼。願一切衆生得無障礙師子智慧於諸世間修行正業。願一切衆生到無畏處。常念救護諸苦衆生。是爲菩薩摩訶薩自捨身命救彼臨刑諸獄囚。特善根迴向爲令衆生離生死苦得於如來上妙樂故。

疏二十五捨身代死囚一向內財文四可知。

中書舍人沈豫昌室人常氏男受祺助資七兩
三錢六分刻此一卷伏願

大方廣佛華嚴經疏鈔卷二十六

終



60

1

2

3

4

5

6

7

8

9

10

1

2

3

4

5

6

7

8

9

10

1

2

3

4

5

6

7

8

9

10

工ノ井